

四庫全書

子部

欽定四庫全書

子部  
玉海卷一百八十

詳校官中書臣張經田

主事臣祁韻士覆勘

總校官進士臣朱 鈐

校對官主事臣陳文樞

謄錄監生臣婁春芳

欽定四庫全書

玉海卷一百八十

宋 王應麟 撰

食貨

錢幣

太玄經曰古者寶龜而貨貝

自虞以上後世君子易之以

金幣

自夏以下

通典曰夏商以前幣為三品太公立九府

圜法周景以母子相權秦為上下二等漢為八銖莢

錢白金赤仄八銖五分王莽又為數十品公孫述始  
作鐵錢魏文穀帛相質劉備以一當百孫權以一當  
千理道陵夷有鴛眼綫環之別王綱解紐有風飄水  
浮之異

虞夏三品幣

通典自神農列鄠於國以聚貨帛日中為市以交有無

虞夏商之幣

史無商字

金為三品或黃或白或赤或錢或刀

或布或龜貝 史記平準書虞夏之幣金為三品或黃

或白或赤索隱金銀銅也 國語注賈侍中云虞夏商  
周金幣三等黃為上幣銅鐵為下幣 後魏任城王澄  
傳言夏殷之政九州貢金以定五品周仍其舊 列星  
圖天錢十星在北落西

禹湯金幣

管子山權數篇

八輕重

湯以莊山之金鑄幣禹以歷山之

金鑄幣而贖民之無糧賣子者地數篇出銅之山四百

六十七 史記殷紀鹿臺之錢 鹽鐵論大夫曰禹以

歷山之金湯以嚴山之銅鑄幣天下稱仁 後魏史高  
謙之表曰堯遭大水以歷山之金鑄錢救民

周上中下幣 武王國策

管子地數篇

輕重

桓公問曰以天財地利立功成名於

天下者誰子也管子曰文武是也夫玉起於禺氏金起  
於汝漢珠起於赤野此皆距周七千八百里其涂遠而  
至難故先王各用於其重珠玉為上幣黃金為中幣刀  
布為下幣今疾則黃金重令徐則黃金輕先王權度其

號令之疾徐高下其中幣而制上下之用則文武是也  
輕重乙篇武王問於癸度癸度對曰吾國衡處之國  
也苟入吾國之粟因吾國之幣然後載黃金而出故君  
請重重而衡輕輕運物而相因則國策可成武王曰行  
事奈何癸度曰金出於汝漢之右衢珠出於赤野之末  
光玉出於禺氏之旁山因以珠玉為上幣

餘與  
上同

### 周九府圜法

漢志太公為周立九府圜法黃金方寸重一斤錢圜函

方荀悅曰外輕重以銖布帛廣二尺二寸為幅長四丈

圓內方

為匹故貨實於金利於刀流於泉布於布束於帛太公

退又行之於齊注師古曰太府玉府內府外府泉府天

府職內職金職幣曰九府圜謂均而通也 後魏書熙

平初任城王澄上言太公立九府之法於是國貨始行

定銖兩之楷齊桓循用以霸諸侯及秦始皇漢文遂有輕

重之異 唐會要崔沔議曰太公之創九府將以貧殷

人賈生之陳七福規於更漢令 妣乙鼓於莊歷姬姜



均于九府

鄭樵曰謂之泉者言其形金言其質刀言其器貨布言  
其用古文錢字作泉者言其形如泉文一變而為刀器  
再變而為圜法自圜法流通於世民實便之故泉與刀  
遂廢後人不曉其謂觀古錢其形即篆泉文後世代以  
錢字故泉之文借為泉水之泉其實泉之篆文下體不  
從水也先儒不知本末為流於泉布於布實於金利於  
刀皆沿鑿之義

周泉府

泉二品

邦布

周六幣見圭璧

禮天官外府

中士二人

掌邦布之入出以共百物而待邦之

用注布泉也其藏曰泉其行曰布泉始蓋一品周景王

鑄大泉而有二品後數變易不復識本制至漢唯有五

銖久行王莽作泉布多至十品疏泉始蓋一品者即此

經泉布是也莽之大泉與景王所鑄大泉亦異

韋昭注國語曰

單穆公云古者有母權子而行則二品之來古而然矣鄭君云一品省之不熟耳

地官泉府

上士四人中士八人下士十六人掌以市之征布斂市之不售貨之滯

於民用者 司市

下大夫二人上士四人中士八人下士十有六人

以商賈阜

貨而行布以泉府同貨而斂賒 廛人掌斂市絜布總

布質布罰布廛布而入于泉府注布泉也絜布列肆之

稅布總

玄謂讀如租總之總

布謂守斗斛銓衡之稅質布質人之

所罰犯質劑者之泉罰布犯市令者之泉廛布貨賄諸

物邸舍之稅 鹽鐵論錯幣第四大夫曰教與俗改幣

與世易夏后以元貝周人以紫石後世或金錢刀布

說文古者貨貝而寶龜周而有泉秦廢貝行錢

宋沈演之以為

龜貝行於上古  
泉刀興自周代

管子桓公曰何謂藏於民請散棧臺

之錢散諸城陽鹿臺之布散諸濟陰

闕

泉之興蓋

自燧人氏以輕重為天下至黃帝成周其法寢具

泉取水泉

流行無  
不徧

### 周大錢寶貨

漢食貨志景王患錢輕將更鑄大錢

古曰泉後轉曰錢

單穆公

曰不可古者天降災戾於是量資幣權輕重以救民患

輕則為之作重幣以行之

重曰母輕曰子

於是有母權子而行

民皆得焉若不堪重則多作輕而行之亦不廢重於是乎有子權母而行大小利之今王廢輕而作重民失其資能無匱乎民若匱王將用有所乏之將厚取於民民不給將有遠志是離民也且絕民用以實王府猶塞川源而為潢洿也竭七日矣王其圖之弗聽鑄大錢文曰寶貨肉好皆有周郭以勸農贍不足百姓蒙利 國語

景王二十一年魯昭之十八年也云云注韋昭曰或云文

曰寶貨皆非事實

周時已名泉為錢劉秩曰錢以平輕重權本末齊桓得其術而國以霸周

景失其道  
而人用敝

齊鑄錢 管子九府書

管子輕重管子令桓公與民通輕重令左司馬伯公將

白徒鑄錢於莊山令中大夫載錢二十萬求生鹿於楚

史記 吾讀管氏輕重九府見府庫類

楚三錢府

史記越世家楚王赦常封三錢之府注金幣三等也

孫叔敖傳莊王以為幣輕更以小為大百姓不便皆去

其業市令言之相後五日朝相言之王請復如故王許  
之下令三日而市復如故 蘇秦傳秦之燕貸人百錢  
為資及富貴以百金償之 呂氏春秋趙宣孟見餓人  
與錢百而遂去之

漢莢錢 八銖 五分 四銖錢

食貨志秦兼天下

始皇二十六年

幣為二等黃金以溢為名上

幣

注孟康曰二十兩為溢師古曰改周一斤之制高祖初賜張良金百溢此尚秦制也上幣者二等之中黃

金為上而錢為下也

銅錢質如周錢

古今注云徑寸二分重十二銖

文曰半兩重

如其文而珠玉龜貝銀錫之屬為器飾寶藏不為幣然各隨時而輕重無常漢興以為秦錢重難用更令民鑄

莢錢

注如淳曰如榆莢  
曰漢興伏無忌曰重三銖

黃金一斤

注復周之制

孝文五年為錢益多而輕乃更鑄四銖錢其文為半兩除盜鑄錢令使民放鑄賈誼諫曰銅布於天下其為禍

博矣今博禍可除而七福可致也

見新書  
銅布篇

黥罪不積一

矣偽錢不蕃民不相疑二矣采銅鑄作者反於耕田三矣上挾銅積呂御輕重貨物必平四矣作兵器假貴臣



多少有制五矣臨萬貨調盈虛收奇羨六矣制五棄財  
與匈奴逐爭其民七矣退七福行博禍臣誠傷之上不

聽是時吳即山鑄錢富埒天子鄧通鑄錢財過王者故

吳鄧錢布天下

文帝賜鄧通蜀嚴道銅山得自鑄錢 吳王漢亂天下幣

紀高后

二年七月行八銖錢

應劭曰本秦錢質如周錢文曰半兩重如其文即八銖也漢以其太

重更鑄莢錢今民間名榆莢錢是也民患其太輕至此復行八銖錢

六年六月行五分錢

應劭曰所謂莢錢者

文帝五年夏四月除盜鑄錢令

應劭曰聽民鑄也更

造四銖錢

應劭曰文帝以五分錢太輕小更作四銖錢文亦曰半兩今民間半兩錢最輕小者是也

景帝中六年十二月定鑄錢律

應劭曰文五年聽民放鑄律尚未除

賈

山傳上疏諫以為富貴人主之操柄令民為之是與人

主共操柄不可長也其後復禁鑄錢云 惠紀注

晉灼曰食貨志黃金一斤直萬錢師古曰諸賜言

黃金者皆與之金不言黃者一金與萬錢也 史

記秦惠王二年初行錢始皇三十七年復行錢

平準書秦中一國之幣為三等 後南蠻傳秦昭襄王

時巴郡閬中夷人得以俠錢贖死高祖為漢王發夷人

伐三秦復其渠帥七姓餘戶乃歲入寶錢口四十楚  
漢春秋項梁鑄大錢

漢三銖錢 白金 皮幣

武紀建元元年春二月行三銖錢

注師古曰新壞四銖錢造此

五年

春罷三銖錢行半兩

注又新鑄作也

元狩四年冬有司言關東

貧民徙隴西北地西河上郡會稽凡七十二萬五千口

縣官衣食振業用度不足請收銀錫造白金及皮幣以

足用初筭緡錢

管子曰桓公朝周請天子號今諸侯以石壁賀獻此亦鹿皮銀錫為幣之義也

六年六月詔曰日者有司以幣輕多姦農傷末衆故改

幣以約之

注李奇曰更去半兩行五銖皮幣

稽諸往古制宜於今廢期

有月而山澤之民未諭遣博士大等六人循行天下

王子侯表建武侯拾元鼎二年坐使行人奉璧皮薦賀

元年十月不會免

志武帝

元狩間

山東被水災民多飢

乏天子遣使虛郡國倉廩以振貧猶不足富商賈或帶

財後貧轉較百數廢居居邑封君皆氏首仰給焉冶鑄

鬻鹽財或累萬金而不佐公家之急黎民重困於是天

子與公卿議更造錢幣以贍用而權浮淫并兼之徒是  
時禁苑有白鹿而少府多銀錫自孝文更造四銖錢至  
是歲四十餘年從建元以來用少縣官往往即多銅山  
而鑄錢民亦盜鑄不可勝數錢益多而輕物益少而貴  
有司言曰古者皮幣諸侯以聘享金有三等黃金為上  
白金為中赤金為下赤金丹陽銅也今半兩錢法重四銖而姦  
或盜摩錢質而取鉛西京黃圖叙曰民摩錢取屑錢益輕薄而物貴  
則遠方用幣煩費不省乃以白鹿皮方尺緣以續為皮

幣直四十萬王侯宗室朝覲聘享必以皮幣薦璧然後  
得行又造銀錫白金以為天用莫若龍地用莫若馬人  
用莫如龜故白金三品其一曰重八兩圜之其文龍名  
白撰直三千二曰以重差小方之其文馬直五百三曰  
復小擘之音他其文龜直三百令縣官銷半兩錢更鑄  
三銖錢重如其文盜鑄諸金錢罪皆死而吏民之犯者  
不可勝數上與湯既造白鹿皮幣問顏異異曰今王侯  
朝賀以蒼璧直數千而其皮薦反四十萬本末不相稱

天子不說

漢五銖錢

志更鑄三銖錢其明年大將軍票騎大出擊胡賞賜五十萬金軍馬死者十餘萬匹轉漕車甲之費不與焉是時財匱戰士頗不得祿矣有司言三銖錢輕輕錢易作姦詐迺更請郡國鑄五銖錢周郭其質令不可得摩取鎔然自造白金五銖錢後五歲而赦吏民之坐盜鑄金錢死者數十萬人其不發覺相殺者不可勝計赦自出

者百餘萬人然不能半自出天下大抵無慮皆鑄金錢

矣武紀元狩五年春三月行五銖錢罷半兩錢

志元狩四

年冬更鑄三銖錢今乃罷三銖而行五銖也

列傳張湯遷御史大夫會渾

邪等降山東流徒皆印給縣官湯承上指請造白金及

五銖錢籠天下鹽鐵出告緡令汲黯免官隱於田園

會更立五銖錢民多盜鑄楚地尤甚召拜淮陽太守

義縱為定襄守會更五銖錢白金起民為姦以縱為右

內史



漢赤仄 上林三官錢 後漢五銖錢 魏五

銖錢

志天子既下緡錢令而尊卜式百姓終莫分財佐縣官

於是告緡錢縱矣郡國鑄錢民多姦鑄錢多輕而公卿

請令京師鑄官赤仄

注應劭曰所謂子紺錢也子或作紫如淳曰以赤銅為其郭今錢郭

見有赤者不知作法云何元鼎元年鑄初鑄錢屬少府平準書曰鑄鍾官赤側

一當五賦官

用非赤仄不得行白金稍賤民弗寶用

大事記元鼎二年行赤側罷白

金縣官以令禁之無益歲餘終廢不行是歲湯死而民

不思

紀元鼎二年冬十一月御史大夫張湯有罪自殺

其後二歲

元鼎四年

赤仄錢

賤民巧法用之不便又廢於是悉禁郡國毋鑄錢專令

上林三官鑄錢

通鑑元鼎二年三月鑄

既多而令天下非三官錢

不得行諸郡國前所鑄錢皆廢銷之輸入其銅三官而

民之鑄錢益少計其費不能相當惟真工大姦乃益為

之

鹽鐵論曰幣數易而民益疑於是廢天下諸錢而專命水衡三官作

自元狩五年三官

初鑄五銖錢至平帝元始中成錢二百八十億萬餘云

百官表水衡屬官有上林均輸鍾官辨銅令丞

元鼎二年初置

水衡都尉掌上林苑然則上林三官其是此三令乎

功臣表蒯成侯周仲居元

鼎三年坐為太常收赤側錢不收完為城旦曲成侯蟲

皇柔元鼎二年為汝南太守不用赤側錢為賦為鬼薪

貢禹傳元帝時言古者不以金錢為幣專意於農今

漢家鑄錢取銅鐵一歲十萬人不耕自五銖錢起七十

餘年民坐盜鑄陷刑者眾富人積錢滿屋猶亡厭足民

心動搖商賈求利而不出租稅故民棄本逐末窮則起

為盜賊何者末利深而惑於錢姦邪不可禁其原皆起

於錢宜罷采珠玉金銀鑄錢之官亡復以為幣除其租  
銖之律租稅祿賜皆以布帛及穀議不從 師丹傳哀  
帝時有上書言古以龜貝為貨今以錢易之民貧宜改  
幣上問丹丹對可改有司以行錢久難卒變易 志王  
莽變漢制更造大錢徑寸二分重十二銖文曰大錢五  
十又造契刀長二寸文曰契刀五百錯刀文曰一刀直  
五千與五銖錢凡四品並行以書劉字有金刀乃罷錯  
刀契刀及五銖更作金銀龜貝錢布之品名曰寶貨錢

貨六品小錢直一么錢十幼錢二十中錢三十壯錢四

十大錢五十銀貨二品龜寶四品貝貨五品布貨十品

凡寶貨五物六名二十八品置錢府丞一人天鳳元年

改作貨布貨泉二品並行

民坐挾銅炭沒入鍾官數十萬人注鍾官主鑄錢

世

祖受命盪滌煩苛復五銖錢與天下更始 後公孫述

傳述廢銅錢置鐵官錢

置鐵官以鑄錢

童謠曰黃牛白腹五銖

當復 光武紀建武十六年復五銖錢 列傳馬援在

隴西上書言宜如舊鑄五銖錢事下三府以為未可許

及入為虎賁中郎將求前奏難十餘條隨牒解釋

東觀記凡

十三難援  
一一解之

帝從之天下賴其便 朱暉元和中為尚書

僕射時穀貴縣官經用不足尚書張林言穀貴由錢賤

可盡封錢一取布帛為租暉奏林言不可施行 劉陶

遊太學桓帝時

永壽三年夏

或言改鑄大錢事下四府羣僚

及太學能言之士陶議曰伏讀鑄錢之詔平輕重之議

當今憂不在貨在乎民飢蓋民可百年無貨不可一朝

有飢議者不達農殖之本多言鑄治之便或欲因緣行

詐以賈國利國利將盡取者爭競造鑄之端生萬人鑄  
之一人奪之猶不能給况一人鑄之萬人奪之乎欲民  
殷財阜要在止役禁奪則百姓不勞而足帝竟不鑄

紀靈帝中平三年鑄四出文錢 獻帝初平元年董卓

壞五銖更鑄小錢

曹公罷之  
還用五銖

第五倫傳長安鑄錢多

姦巧京兆尹以倫為督鑄錢掾領長安市 鍾離意傳  
詔班賜羣臣更以庫錢三十萬賜意

### 漢少府禁錢

百官表少府注應劭曰名曰禁錢以給私養自別為藏  
賈捐之傳議棄珠厓竊以往者羌軍言之暴師曾未  
一年兵出不踰千里費四十餘萬大司農錢盡迺以少  
府禁錢續之 食貨志武帝時胡降者數萬人皆得厚  
賞縣官不給天子乃損膳解乘輿駟出御府禁藏以贍  
之

漢水衡錢

表水衡都尉掌上林苑屬官有上林鍾官注鍾官主鑄



錢官志上林三官鑄錢楊可告緡錢上林財物衆乃  
令水衡主上林宣紀本始二年春以水衡錢為平陵  
徙民起第宅王嘉傳奏封事曰元帝溫恭少欲都內  
錢四十萬萬水衡錢四十五萬萬少府錢十八萬萬常  
幸上林獸園猛獸出馮貴人前當之賜錢五萬賞賜節  
約是時外戚貨千萬者少故少府水衡見錢多也注應  
劭曰水衡與少府皆天子私藏

都內錢

食貨志武帝時迺募豪民田南夷入粟縣官而內受錢

於都內

師古曰都內京師主藏者也

恩澤侯表本始二年田延年

為大司農盜都內錢三千萬

如淳曰天子錢藏中都內又曰大內

百官

表治粟內史屬官有都內

中興省尹翁歸補都內令

列傳張安

世辭祿詔都內別藏張氏無名錢以百萬數賈捐之對

武帝元狩六年都內之錢貫朽而不可校王嘉奏曰

元帝溫恭少欲都內錢四十萬萬淮南王安書越人

名為藩臣貢酎之奉不輸大內

應劭曰大內都內也國家寶藏也

文

選注桓子新論曰漢宣以來百姓賦錢一歲餘  
二十萬藏於都內 後漢紀桓帝延熹五年十  
月辛丑換王侯租以助軍糧出濯龍中藏錢還  
之

漢錢官 銅官

史記北軍有錢官 地理志丹陽郡有銅官

錢官長丞  
五十有一

而專其官以  
主丹陽之銅

越雋邛都南山出銅犍為朱提山出銀益

州懷山出銅石空山出錫監町山出銀鉛采山出錫羊

山出銀鉛烏山出錫從陟山出銅常山蒲吾有鐵山豫

章鄱陽有黃金采

採取金之處

鹽鐵論大夫曰丹章有金

銅之山

史記章山之銅吳有豫章郡銅山

山海經禹曰天下名山五

千三百七十出銅之山四百六十出鐵之山三千六百

九十

管子地之東西二萬八千里南北二萬六千里其出水者八千里受水者八千里出銅之山四百六

十七出鐵之山

三千六百九

錢官漢氏初屬少府後屬水衡後漢屬司農魏晉以下

或屬少府或屬司農漢錢官長丞五十有一而專其

官以主丹陽之銅唐諸道置鑪九十有九而重其使以

總江淮之鐵

淮揚荆衡之壤厥貢三品  
會稽具區之畛其利金錫

### 魏五銖錢

魏志文帝黃初二年三月初復五銖十月以穀貴罷五銖使民以穀帛相貿明帝太和元年司馬芝議用錢豐國省刑四月乙亥復行五銖錢至晉用之韓暨為監冶謁者舊時冶作馬排每一孰石用馬百匹更人排又費功力暨乃因長流為水排利益三倍加司金都尉班亞

九卿 蜀志張裔為司金中郎將典作農戰之器 南  
齊崔祖思云劉備取帳鈎銅鑄錢以充國用 齊  
建元四年孔覲上議曰自漢鑄五銖錢至宋文帝歷  
五百餘年制度有廢興而不變五銖者明其輕重可法  
得貨之宜也 漢建安十九年先主用劉巴之言以一  
當百孫權嘉禾五年春鑄大錢以一當五百赤烏元年  
春鑄一當千大錢晉元帝過江用赤烏舊錢輕重雜行  
大者比輪小者四文沈充鑄小錢謂之沈郎錢安帝元

興中議欲廢錢用穀孔琳之以為救弊之術無取於廢錢議遂不行前涼張軌參軍索輔言於軌曰二漢制五銖錢通易不滯晉太始中河西荒廢遂不用錢今宜復五銖以濟通變之會軌納之錢遂行人賴其利

宋四銖 梁五銖 後魏五銖 隋五銖

通典文帝元嘉七年

十月戊午

鑄四銖重如其文人盜鑄多

剪鑿取銅帝患之江夏王義恭建議以一大錢當兩以

防剪鑿

二十四日

何尚之議曰泉貝之興事在交易數少則

幣輕數多則物重多少雖異濟用不殊以一當兩徒崇

虛價沈演之以為以大錢當兩則國傳難朽之寶家贏

一倍之利不俟加憲巧源自絕上從演之議六月以一當

兩行之經時公私非便乃罷

明年五月巳卯

言事者欲禁私銅

以充官鑄五銖范泰曰貨存貿易不在多少孝武孝建

元年正月壬戌

更鑄四銖文曰孝建徐爰議收銅繕鑄詔可之

以銅贖刑又以為銅轉難得欲鑄二銖錢顏竣言不可

者三不聽景和二年鑄二銖錢

又永光元年二月庚寅鑄二銖錢三月甲



辰文曰景和形式細人模效之剪鑿者謂之萊子薄者

謂之荇葉永光元年

九月戊午

沈慶之啓通私鑄於是錢貨

亂一千錢長不盈三寸謂之鸞眼緹環明帝泰始初禁

之唯用古錢 齊志永明八年劉悛言蒙山下有嚴道

銅山舊鑄錢處上遣使入蜀鑄錢頃之以功費多而止

隋志梁武帝

天監元年

鑄錢文曰五銖重四銖三銖三銖

又別鑄除其肉郭謂之公式女錢徑一寸文曰五銖重

如新鑄五銖二品並行百姓私以古錢交易

五銖女  
銖太平

百錢 定平一百五銖 稚錢 五銖 至普通四年  
對文 豐貨 男錢 此等輕重不一 十二年

月戊 更鑄鐵錢人皆私鑄八十為百名曰東錢七十為  
午

百名曰西錢京師九十為百名曰長錢末年以三十五

為百梁末又有兩柱鵞眼錢陳文帝天嘉五年 閏五月  
甲子

改鑄五銖一當鵞眼十宣帝大建十一年 七月  
辛卯 鑄大貨

六銖一當五銖之十後還當一人皆不便 後魏志孝

文帝始用錢太和十九年公鑄粗備文曰太和五銖宣

武永平三年冬又鑄五銖孝莊初私鑄者益更薄小

乃至風飄水浮楊侃奏更鑄五銖高恭之以為有五銖之名無二銖之實永安二年秋更鑄文曰永安五銖盜鑄彌衆高謙之求鑄三銖錢事未就 隋志北齊文宣

天保四年正月巳丑

改鑄常平五銖重如其文後周武帝保定元

年七月更鑄布泉之錢

建德五年正月廢

以一當五與五銖並

行建德三年六月壬子鑄五行大布錢以一當十宣帝

大象元年十一月

丁巳

又鑄永通萬國錢一以當千凡三

品並用隋文帝開皇元年九月鑄五銖重如其文十年詔

晉王廣聽於揚州立五鑪鑄錢漢王諒於并州立五鑪  
又詔晉王置十鑪蜀王秀於益州立五鑪是時錢益溢

惡自漢至隋時或  
輕重皆用五銖

唐開元通寶 乾元重寶 乾封泉寶

食貨志隋末行五銖白錢高祖入長安民間行綫環錢

八九萬纔滿半斛武德四年會要七月  
十日丁卯鑄開元通寶徑

八分重二銖四參十錢重一兩得輕重大小之中其文

以八分隸篆三體舊紀武德四年七月丁卯廢五銖行  
開元通寶錢 舊志開元錢之文歐

陽詢制詞其字  
含八分及隸體  
賜齊秦王三鑪裴寂一鑪以鑄乾封元

年

四月庚寅 通鑑五月 會要五月二十五日

改鑄乾封泉寶錢以一當舊

錢之十明年復行開元通寶錢

會要二年正月二十九日 詔乾封新錢更不須

鑄私錢犯法日蕃武后時盜鑄蜂起先天之際兩京錢

益濫柳衡錢纔有輪郭鐵錫五銖之屬皆可用之開元

初

六年正月 十八日勅

宋璟請禁惡錢行二銖四參錢

行三銖四分已上舊

錢毀舊錢不可用者江淮有官鑪偏鑪錢稜錢時錢璟

又請出米十萬斛收惡錢少府毀之

七年二月

十一年詔所

在加鑄二十六年宣潤等州初置監其後錢又漸惡詔  
出銅所在置監鑄開元通寶錢京師庫藏皆滿盜鑄益  
起兩京錢有鵝眼古文綫環之別至剪鐵而緡之天寶  
十一載內作判官韋倫請厚價募工役用減而鼓鑄多

肅宗乾元元年七月經費不給鑄錢使第五琦鑄乾元重

寶錢以一當十

詔曰周興九府實啓流泉之法  
利漢造五銖亦弘改鑄之法琦為相二

九月戊辰三日復鑄重輪乾元錢一當五十肅宗以新錢不便

命百官集議不能改二年三月十三日詔變  
法非良令百官集議上元元年

六月減重輪一當三十開元乾元一當十由是錢有虛  
七日

實之名代宗即位

寶應元年五月

重寶以一當二重輪當三凡

三日

十九日

而大小錢皆以一當一人便之其後二錢鑄

為器不復出矣劉晏以江嶺麤賤之貨積之江淮易銅

鉛薪炭廣鑄錢歲得十餘萬緡輸京師及荆揚二州錢

日增矣建中初

四年六月

判度支趙贊采連州白銅鑄大錢

一當十以權輕重貞元初禁錢出駱谷散關張滂奏禁

江淮鑄銅為器時商賈至京委錢諸道進奏院及諸軍

諸使以輕裝趨四方合券乃取之號飛錢元和四年

六月

禁錢出嶺京兆尹裴武請禁與商賈飛錢者六年

二月

賈

易錢十緡以上者參用布帛自禁飛錢家有滯藏物價

浸輕判度支盧坦請許於戶部度支鹽鐵三司飛錢每

千錢增給百錢然商人無至者太和三年峻鉛錫錢之

禁文宗詔禁銅器宰相李珣請加鑪鑄錢武宗廢浮屠

法永平監官李都彥請以銅像鐘磬鑪鐸皆歸巡院准

南節度李純請天下以州名鑄錢京師為京錢大小徑



寸如開元通寶

會要會昌六年二月勅十月以後行新錢其舊錢權停

宣宗立新

錢復鑄為像

柳仲郢傳為鑄錢使吏請以字識錢者

不答既淮南鑄會昌字久之僧反取為鐘鈸云 舊紀

武德四年七月丁卯廢五銖錢行開元通寶錢乾封元年四月庚寅改鑄乾封泉寶錢二年正月罷乾封錢復行開元通寶 陸贄奏議謂宜廣即山殖貨之功峻用銅為器之禁制捋得所則錢不乏矣

唐鑄錢議

鑄錢使

食貨志

兼用  
會要

開元二十二年三月二十一日宰相張九

齡奏請縱民鑄錢議下百官裴耀卿等皆以為許私鑄則下皆棄農而競利秘書監崔沔議曰錢貴通貨何待私鑄然後足用左監門衛錄事參軍劉秩上議曰今之錢古之下幣也今若捨之任人自鑄則上無以御下下無以事上其不可一也物賤則傷農錢輕則傷賈輕則由於物多多則作法收之使少少則重重則作法布之使輕奈何而假於人其不可二也夫鑄錢不雜以鉛鐵

則無利雜以鉛鐵則惡其不可三也人去南畝者衆其不可四也昔吳淠富埒天子鄧通財侔王者皆鑄錢所致必欲許其私鑄是與人利權其不可五也夫錢重者由人鑄日滋於前而鑪不加於舊盜鑄者破重錢以為輕錢禁寬則行禁嚴則止止則棄矣此錢所以少也夫銅不布下則盜鑄者無因而鑄而公錢不破人不犯死刑錢又日增是一舉而四美兼也時公卿皆以縱民鑄為不便事既不行但嚴斷惡錢而已

杜佑以為自昔言貨幣者皆不達其

要唯賈生劉秩頗詳其旨信安王禕復言國用不足請縱私鑄獨韋

伯陽以為不可禕議亦格肅宗以新錢不便命百官集

議不能改 會要開元二十五年二月羅文信為諸道

鑄錢使天寶三載九月楊慎矜除御史中丞充鑄錢使

六載楊釗上元元年五月劉晏寶應元年劉晏又充廣

德二年第五琦李峴永泰元年正月十三日劉晏第五

琦分領諸道大歷五年三月二十六日停

晉天福三年十一月詔許天下私鑄四年七月復官鑄

周世宗顯德二年九月丙寅詔禁天下銅器始議官

鑄錢

毀天下銅佛以鑄

唐鑄錢七監 錢官

洛源桂陽飛狐監

百官志諸鑄錢監監各一人副監各二人丞各一人凡

鑄錢有七監

屬少府

會昌中增至八監每道置鑄錢坊一

大中初三監廢

韓洄傳上言江淮七監歲鑄錢四萬五千緡每緡度二千本倍於子請復洛源

廢監江淮七監請皆罷洄又言天下銅鐵冶隸鹽鐵使從之 食貨志 天下銅坑五十歲采銅一十六萬六千

斤地理志商州有洛源監錢官

食貨志建中初戶部侍郎韓洄以商州紅崖冶

銅多請復洛源廢監起十鑪歲鑄錢七萬二千緡每千錢費九百

柳州有桂陽監錢官

志元和三年五月李巽以柳州平陽銅坑二百八十餘復置桂陽監兩鑪日鑄錢二十萬天下歲鑄錢十三萬五千緡命商賈蓄錢者皆出以市貨詔曰著錢令以出滯藏加鼓鑄以資流布錢譜曰咸通十一年桂陽監鑄錢官進新鑄錢文曰咸通元寶尋廢不行河東蔚州飛狐有三河銅冶有

錢官

志蔚州三河冶距飛狐故監二十里而近河東節度王鐔置鑄以刺史李聽為使以五鑪鑄每鑪月

鑄錢三千萬自是河東錫錢皆廢至太和八年錫錢復起鹽鐵使王涯置飛狐鑄錢院於蔚州天下歲鑄錢不及十萬緡會要元和六年三月鐔奏河中府解縣有請李聽傳開五鑪官鑄錢日五萬

紫泉監乾元元年置有銅穴十二揚州有丹陽監廣陵

監錢官宣州南陵有梅根宛陵二監錢官鄂州有鳳山  
監錢官饒州有永平監錢官有銅坑三信州有玉山監  
錢官有銅坑一鉛坑一絳州有銅源翔臯錢坊二梓州  
銅山縣貞觀二十三年置鑄錢官調露元年罷 食貨

志武德四年洛并幽益桂等州皆置監

會要七月十八日癸酉置監於

洛并幽益等州五年五月二十四日桂州置監

開元二十六年宣潤等州初置

監天下鑪九十九絳州三十揚潤宣鄂蔚皆十益柳皆  
五洋州三定州一每鑪歲鑄錢三千三百緡役丁匠三

十費銅二萬一千二百斤鐵三千七百斤錫五百斤每千錢費七百五十天下歲鑄三十二萬七千緡穆宗時

元和十五年閏正月十七日令百僚議錢貨輕重

戶部尚書楊於陵曰開元中

天下鑄錢七十餘鑪歲盈百萬今纔十數鑪歲入十五萬而已大歷以前淄青太原魏博雜用鉛鐵嶺南雜以金銀丹砂象齒今一用泉貨故錢不足宜使兩稅權酒鹽利上供及留州送使錢悉輸以布帛穀粟然後出內府之積收市廛之滯廣山鑄之數限邊商之出禁私家



之積

六典鑄錢監

屬少府

監各一人皇朝少府置十鑪

諸州皆屬焉及少府罷鑄錢諸州遂別今絳州三十揚

宣鄂蔚各十益鄧郴各五洋州三定州一鑄錢監以所

在州府都督刺史判之

副監二人上佐判之丞一人以判司

代宗實錄

大歷四年正月丁酉關內道鑄錢等使第五琦上言請

於絳州汾陽銅源兩監增置五鑪鑄錢許之

唐銀銅鐵錫冶

瑞金監

山澤寶冶

食貨志凡銀銅鐵錫之冶一百六十八陝宣潤饒衢信

五州銀冶五十八銅冶九十六鐵山五錫山二鉛山四

汾州礬山七麟德二年廢陝州銅冶四十八開元十五

年初稅伊陽五重山銀錫德宗時韓洄建議山澤之利

宜歸王者自是隸鹽鐵使

洄傳云德宗初上言天下銅鐵冶乃山澤利當歸王者請

悉隸鹽鐵使從之

元和初天下銀冶廢者四十歲采銀萬二千

兩銅二十六萬六千斤鐵二百七萬斤錫五萬斤鉛無

常數開成元年復歸州縣宣宗時裴休請復歸鹽鐵使

增銀冶二鐵山七十一廢銅冶二十七鉛山一

元和三年六月

詔天下自五嶺以北銀坑並禁斷令其採銅四年六月  
詔依前開採 裴休傳收山澤寶治悉歸鹽鐵 紀大

歷十四年七月庚午  
弛邕州金坑禁

地理志凡天下有銀者三十六縣

關內一河南五河東二山南二隴右三江南十九劍南  
一嶺南三有銅者六十三縣關內二河南五河東九河  
北一山南一隴右一淮南四江南三十一劍南六嶺南  
三有鐵者一百三縣關內六河南八河東十五河北九  
山南十隴西一淮南三江南二十七劍南十八嶺南六  
有錫者十三縣河南二河東一河北一山南一江南六

嶺南二有金之郡縣十八關內一河南一山南三隴右

一江南七劍南二嶺南三

天祐元年度州置瑞金監度之雩都有金

百官

志少府監有掌治令丞諸治監令丞 列傳河間王孝

恭治荊州為立銅冶百姓利之權萬紀為侍書御史奏

宣饒部中可鑿山冶銀歲取數百萬太宗斥之曰不能

推賢乃以利規我 韓思復遷滁州刺史州有銅官人

鑿鑿尤苦思復為賈他鄙費省獲多 國史兩朝志金

銀銅鐵鉛錫之冶總二百七十一金產六州冶十一銀

產二十三州三軍一監治八十四銅十一州一軍治四十六鐵二十四州二軍治七十七銅九州一軍治三十錫七州治十六又丹砂二州治二水銀四州治五皆置吏主之 九牧脩貢篚廿人申厲禁

### 唐錢譜

藝文志農家類顧烜錢譜一卷

顧氏為書凡歷代造立之原大小輕重之度皆

有倫序 小說類封演續錢譜一卷

隋志又有錢圖一卷

晁氏志梁顧

烜嘗撰錢譜一卷唐張台亦有錢錄兩卷本朝紹聖間

李孝美以兩人所纂舛錯增廣成十卷分八品陶岳撰

貨泉錄一卷記五代諸侯擅改錢幣之由五篇董道撰續

錢譜十卷紹聖元年國史志張台錢錄一卷本朝金光于繫錢寶錄

公甫古今泉貨圖一卷 崇文目杜鎬鑄錢故事一卷

書目咸平二年杜鎬承詔撰錄  
前代書史鑄錢故事分五門 紹興十九年洪遵得古

泉百有餘品旁考傳記下逮稗官所紀攬撫為泉志十

五卷有正用偽不知年代 刀布外  
國奇神厭勝品 錢之品九

錢輕重得中 五銖 漢 開元 唐

錢重

赤仄

漢一當五

比輪

大泉

王莽一直五十又吳嘉禾五年一當五百

大

貨六銖

陳一當五銖之十

四柱

梁一准二十又改一准十

兩柱

布泉

後周一當

五大布

後周五行大布一當十

永通萬國

後周一當千

當兩

乾封

唐高

宗一當十建中初趙贊鑄大錢一當十

當十

唐永通梁元帝

八銖

乾元

肅宗一當

十重輪乾元

一當五十

直百

蜀梁

當千

吳後周

得壹

史思明一當百

錢輕

榆莢

三銖漢

風飄水浮

魏元

鵝眼

緹環

未

子苻葉

二銖宋

沈郎

四分

晉

開寶便錢務

開寶三年五月丁巳詔於兩京置便錢務命陳鄂監取

唐

朝飛錢故事許民入錢左藏庫以諸州錢給之敕諸州  
候券至即給

唐會要元和七年王播奏商人於戶部

鹽鐵三司飛  
錢謂之便換

開寶錢監 至道永豐監 皇祐永通監

建隆二年三月禁鐵錫錢乾德五年十二月丙辰禁惡

錢開寶四年正月雅州百丈縣興置錢監歲鑄九千餘

貫增十鑪九年七月昇州言歲鑄三十萬緡命通判杜

見素經度采銅江南舊用鐵錢十當銅錢之一

太祖平  
吳因舊



制開監于鄱陽錢俶入興國二年二月壬辰漕臣樊朝又得杭州錢監尋廢

若水奏復用銅錢四年九月乙酉初聽銅錢入蜀八年

三月奚嶼請於建州鑄大鐵錢文曰太平通寶尋以不便罷先是李煜因唐制於饒之永平監歲鑄六萬緡江

南平增為七萬患銅少不給漕臣張齊賢調丁采饒信

虔等州銅鉛錫是年增數十倍明年得銅八十五萬斤

鉛二十六萬斤錫十六萬斤歲鑄錢三十萬貫以丁釧

領三郡銅山初永平監用開通元寶錢法肉好精妙至雜以鉛錫雖歲增數倍稍惡矣天聖間

歲鑄百餘萬貫慶厯間至三百萬熙寧六年後歲鑄銅鐵錢六百餘萬貫

至道二年十月已

未池州新置錢監賜名永豐先是饒之永平歲鑄四十

萬貫今分置是監共鑄六十四萬貫

楊允恭言其事始分鑄於池

咸

平二年五月宰臣齊賢請置監廣鑄命虞部郎馮亮等

按視至建州置豐國監江州置廣寧監明年凡鑄一百

二十五萬八月丙子祕閣校理杜鎬等承詔檢討鑄錢

故事上之

廣寧監歲鑄二十萬貫肇四月癸亥終七月已卯王元之為記

慶厯元年九

月壬申以虢州監為朱陽監十一月詔江饒池錢監鑄

鐵錢百萬緡六年五月壬寅以興元府西縣錢監為濟  
遠監八年六月乙未詔陝西所用江南儀商等州大銅  
錢以一當三其小鐵錢三當銅錢之一先是慶厯初兵  
興用乏知商州皮仲容議采洛南縣紅崖山號州青水  
冶青銅置阜民朱陽二監以鑄錢陝西漕臣張奎永興  
守范雍又請鑄大錢一當十四年復采儀州黃銅置博  
濟監鑄大錢而江南亦鑄大銅錢江池饒晉儀號州鑄  
小鐵錢並輦送關中雜行大約小銅錢三可鑄當十大

錢一民多盜鑄物價翔踊命翰林學士張方平宋祁中

丞楊察與三司雜議至是與三司使葉清臣等先上陝

西之議謂採弊不先自損則法不可以下行遂下是詔

七月辛丑詔河南所用小鐵錢以三當銅錢之一仍罷

諸州官所置鑪

元年晉州鑄小銅錢二年晉澤州鑄大錢一當十未幾三司奏罷鑄大錢五年

小錢獨留用河東盜鑄無窮至是如陝西行之

其後罷商州鑄青黃銅錢

皇祐二年

二詔大銅鐵錢並當常錢之二

嘉祐四年二月癸未

盜鑄乃止慶

歷八年九月癸亥韶州置鑄錢監時天興場歲采銅二

十五萬斤皇祐元年二月丁卯以韶州新置監為永通

監

淳熙十二年三月省

至和二年三月詔韶州峇水場銅發令漕

司益鑄錢治平四年置惠州阜民監

熙寧三年八月二十四日詔阜民監

錢專給峇水場市銅之費七年七月十八日廣東漕臣言永通阜民二監歲鑄八十萬比又增鑄二十萬近改

鑄折二錢歲增二十萬

詔羨餘復歸內藏庫 熙寧二年七月十三日陝西興

置鑄錢監市峇水場銅鉛增鑄百萬緡六年六月壬辰

行折二錢七月四日詔京西淮淞江西荆湖六路各置

鑄錢監一江荆以十五萬餘以萬緡為額七年三月二

十八日以永興鑄折二錢備熙河之用二十四日三司言河北有銅五十七萬九千九百餘斤錫九千八百九十餘斤詔度地置監乃置黎陽監於衛州歲鑄三萬五千緡八年二月一日商號洛南增置三監耀鄜權置二

監凡九監

鄜州等五監俟改鑄省樣錢畢併入商州等四監鑄大錢

九月九日岷州

置監十月十四日詔黎陽監歲增鑄折二錢五萬緡十

一月十一日進熙河當二鐵錢樣九年六月八日罷折

二錢

初薛向鑄折二錢於陝西許彥先又鑄於廣南

十

宰臣安石曰錢有二品自周已然乃復行之

月五日命饒州增鑄三十萬緡元豐元年八月興州濟  
衆監增鑄并舊為七萬二千餘緡二年二月二十九日  
通遠軍監改鑄銅錢罷鳳翔郿縣置監三年六月二十  
九日徐州置監十一月二十六日興復雅州錢監歲鑄  
三萬緡餘見後元祐二年七月二十一日置河中府龍門  
韓城錢監八年五月十一日罷二廣鑄折二錢八月陝  
西復鑄小銅錢紹聖二年十二月施州置廣積監崇寧  
元年八月戶部言江池饒建四監歲額上供新錢一百

三十餘萬貫二年十月行當十錢三年二月復置寶豐  
黎陽監九月詔東南十監舒衡睦鄂韶梧六監鑄小錢  
餘五監鑄當十錢四年閏二月汝州魯山置監并陝西  
兩河京西十八監鑄夾錫錢大觀二年七月懷衛州建  
鑄錢院政和四年四月復融州寶興監六年四月置邕  
州通寶監宣和六年七月罷萬州廣濟監江東鑄銅錢  
始于樊若水  
以鉛錫雜鑄始于張齊賢 嘉祐有折二之令雖鑄於  
陝廣至熙寧而始行慶厯有當三之請雖發于鄭戡至  
崇寧而始鑄三品  
之錢至今便之



淳化御書三體錢

國初錢文曰宋元通寶淳化元年五月乙未改鑄淳化元寶錢上親書其文作真草行三體自後每改元必更鑄以年號為文景德權衡式以御書三體錢較定 祥符元年六月癸巳賜輔臣新鑄御書祥符元寶錢

淳化鑄錢議

淳化二年十二月宗正少卿趙安易言蜀鐵錢賤而物騰請如劉備鑄大錢十當百事下尚書集三省議可否

吏部尚書宋琪等議曰備患鈔少而改作今乃患多改之恐難經久安易論請不已鹽鐵使李惟清言非便度支使魏羽請於一州鑄而行之以觀其效乃命安易以錢式往川峽鼓鑄歲僅得三千餘緡議者以為非便罷之五年正月庚申安易復請鑄帝不從但令兩川以銅錢一當鐵錢十民頗便之景德二年二月知益州張詠鑄大鐵錢于嘉邛四年五月詔行之一當十祥符七年二月凌策又請鑄當十鐵錢與舊錢兼行

慶曆事  
見後興國

二年九月丁酉詔所在用七十七陌

初因漢乾祐之制以八十五為百

並利夔三州皆有鐵冶邛州舊鑄歲十萬緡建炎二年

六月乙卯罷之紹興十五年七月戊申始即利州鑄錢

歲十萬緡其後增至十五萬二十三年六月丁酉復置

監于邛明年四月乙酉詔邛州歲鑄三萬緡利州九萬

緡二十五年又詔利州鑄大小錢各二萬緡三十一年

二月戊申邛州復置惠民監歲鑄鐵錢三萬緡再減利

州錢為六萬緡大小各半許景衡曰元豐左藏庫月

支約三十六萬緡宣和費一百二十萬

咸平鑄錢使

咸平三年五月庚申馮亮以江南運副兼都大提點鑄

錢

亮等言饒池江建州歲鑄百三十五萬貫

景祐二年八月己卯置提點坑

冶鑄錢官

初命魏兼官十月乙丑詔俸賜同提刑

既罷發運使故別置

寶元元年

八月丁卯復置發運使提點鑄錢事

宋朝鹽鐵領於三司後鑄錢屬發運使其後專置使以總九路故鑄銅之數視歷代為多自元豐二年七月癸

西增使者為二其一領湖廣江西其一領閩浙淮南江東迨至元祐復合於一又慮諸道莫與之協力也紹聖二年始命提點刑獄兼治坑冶明年又詔轉運使預聞其事崇寧間則提舉常平亦與焉中興以來用度既廣泉府之入浸虧於舊議者謂數錢之費可得一錢而官屬吏卒其費不可計始也分命兩使于贛于饒蓋倣元豐之制也未幾廢一而存一又未幾舉廢之而歸其職於戶部蓋倣三司之制也議者不以為便則又委之諸

道轉運使蓋酌紹聖之制也既而課入益殷尋既復其一繼又增為二今蓋定為一司矣乾道六年四月一日併於發運司七年二月復置八年十二月置提點官二員分治饒贛淳熙二年併於饒州初度饒分鑄歲解緡錢四十九萬後總九路為一司歲額僅十五萬祥符九年五月發運司言饒池江杭四監共鑄百二十萬緡用銅四百五十三萬餘斤元豐二年七月七日三省言鑄錢司舊領五監近歲江池饒增歲鑄額及興

國睦衡舒蘄惠初置六監宜增提點一員乃命錢昌武  
領淮浙建江東李蔡領湖廣江西元祐元年二月庚申  
朔合為一司從李深請也崇寧五年九月三日中書奏

錢監鑄銅錢總二百八十九萬四百貫

諸路支費錢一  
百五十六萬貫

詔蘇莊提舉九路銅事先是遊經言有膽水可浸鐵為  
銅者韶岑水潭瀏陽及鉛山德興建蔡池婺銅山汀赤  
水邵武黃齊潭礬山温南溪池銅山凡十一所惟岑水  
鉛山德興已經理餘未也靖國元年四月九日命經提

舉措置銅事大觀四年三月壬戌罷江淮等路銅事併入鑄錢司紹興二十七年七月庚午戶部侍郎林覺奏請復饒永平贛鑄錢院韶永通監選通判主之領以漕臣饒贛八萬緡韶七萬緡為額奏可殿中御史王珪言岑水鉛山興利三場唯給兩監韶州監久廢難復用十七錢鑄一錢費多得寡請先收本錢然後專置一司八月庚申戶侍榮焜兼提領鑄錢二十八年八月壬寅選官二員往嚴饒州措置命戶部侍郎趙令詎提領二十



九年七月乙巳復置鑄錢司

上曰利害大駭有四坑  
戶銅本工役木炭是也

三

十年五月丙戌權以五十萬緡為額然亦止鑄十

萬緡而止耳乾道二年二月庚子設饒贛兩司

會要有金之州十有銀之州四十二有銅之州十三

渭饒

信興國南安柳興建  
南劍汀漳邵武英

有鐵之州三十六

西京至  
融水

有鉛之

州十一有錫之州十三凡山澤之入金一千四十八兩

銀十二萬九千四百六十兩銅二千一百七十四萬四

千七百四十九斤鐵五百六十五萬九千六百四十六

斤鉛七百九十四萬三千三百五十斤錫六百十五萬

九十餘斤歲總收金三萬七千九百八十五兩銀二百

九十萬九千八十六兩諸路上供金萬七千四兩銀百

十四萬六千七百八十四兩凡賦入之數金萬七千九

十七兩銀百二十三萬一千二百七十七兩 續會要

有金二十五州

十三州土貢

有銀七十四州

二十一州土貢

銅二十

一州

元豐元年計一千四百六十萬五千九百六十九斤

鐵三十六州

元豐元年收五百五

十萬一千九百九十斤

鉛三十一州錫二十七州紹興三十二年虞

部具諸道坑冶數金坑興者一百三十四廢者一百四

十銀坑興者八十四廢者八十三銅坑興者五十七廢

四十五鐵坑興者三百七十廢二百五十六鉛之興三

十二而廢十五錫之興九十四而廢四十四

凡銅場十  
四鐵場三

十八鉛場二  
十四錫場五

乾道二年七月鑄錢司言銅歲取七百五

萬七千二百六十三斤有奇鐵歲收二百十六萬二千

一百四十四斤有奇鉛三百二十一萬三千六百二十

二斤有奇錫七十六萬一千二百四斤 開寶二年十

一月乙巳詔未能捐金於山豈忍奪民之利減桂陽監  
歲入白金三之一至道元年三月廢邵武金場二年正  
月廢成州金坑詔曰捐金於山前聖盛德所寶惟穀舊  
史格言九月廢衢州銀冶景德元年正月建州寶通山  
出銀以圖來獻天聖四年十二月乙未虔州石城產銀  
置義豐場建炎元年八月十六日依祖宗舊法山澤坑  
冶隸金部轉運先是崇寧二年隸右曹及常平正  
和六年有措置東南坑冶寶貨司乾道  
二年五月二十五日命工部侍郎薛良朋措置諸路坑

治良朋言歲鑄錢一百六十一萬七千九百三十五貫  
約用銅五百五萬六千餘斤以銅少權以五十五緡為  
額韶之岑水銅六十二萬斤今增為七十七萬潭之永  
興五萬斤今增為十五萬信之鉛山三十八萬斤潼州  
利州一萬四千六百六十二斤九年閏正月五日以江  
淮澗潼利路隸饒司江西湖閩廣隸贛十月二十三日  
李大正言岑水  
永興鉛山場銅課最盛趙  
師異著寶司撮要五卷  
有管仲則藏富於國得  
劉晏則錢流於地

天聖交子務

初蜀民以鐵重私為券謂之交子以便貿易至大中祥符末薛田為轉運使請官置交子務以權其出入久不報冠城守蜀請廢交子不用城去而田代之詔田與轉運使張若谷度其利害田若谷議請官為置務禁民私造詔從之置益州交子務時天聖元年十一月戊午也每界以一百二十五萬六千三百四十為額大觀元年

夏四月甲子詔改交子為錢引

熙寧四年正月  
詔陝西行交子

元豐二十七監

會要元豐三年是歲諸路鑄錢總二十七監

一作二十六監鑄

銅鐵錢五百九十四萬九千二百三十四貫銅錢一十七監鑄錢五百六萬貫鐵錢九監鑄錢八十八萬九千二百三十四貫

銅錢 西京阜財監二十萬貫衛州黎陽監二十萬貫永興軍監陝州華州監各鑄二十萬貫絳州垣曲監二十六萬貫舒州同安監十萬貫睦州神泉監十萬貫興

國軍富民監二十萬貫衡州熙寧監二十萬貫鄂州寶

泉監十萬貫江州廣寧監二十四萬貫池州永豐監四

十四萬五千貫饒州永平監六十一萬五千貫建州豐

國監二十萬貫韶州永通監八十萬貫惠州阜民監七

十萬貫

鑄錢監唯饒之永平最古自唐乾元初已創至道中增池之永豐咸平中增江之廣寧而度之

鑄錢院

大觀末二年四月始建

皇祐會

計錄饒池建江韶五州鑄一百四十萬貫

鐵錢

虢州朱陽兩監十二萬五千貫

慶歷元年九月壬申置

商

州阜民洛南兩監各十二萬五千貫威遠鎮

通遠軍

涵山



鎮州兩監二十萬貫興州濟衆監四萬一千貫嘉州豐

遠監二十萬五千貫邛州惠民監七萬三千二百三十

四貫

三州鑄大錢以一當十

凡銅錢行一十三路銅鐵錢兩路

鐵錢四路 元豐四年二月十四日詔秦州置監六年

三月丙子朔詔徐州置寶豐監以四十萬緡為額

七年四月

二十五日以利國監鐵置寶豐下監五月三日梧州置監以十五萬緡為

額八日萬州置鐵錢監八月朔同州置鐵錢監渭州復

置博濟監七年天下坑冶凡一百三十餘所八年十二

月八日

戊寅

詔罷增置監十有四

漕輶兼統肇於興國都提命官昉于咸平合江淮荆淝  
閩廣而建一臺則景祐之憲度東治於饒西治於虔則

元豐之章程自崇寧以迄宣和

崇寧至宣和  
錢法五六變

庫務所積

一千三百餘萬諸監鑄九百餘萬諸路餘鏹三十餘萬

通內外所有凡五千萬有奇

宣和元年前  
省言云云

許景衡曰元

豐左藏庫月支約三十六萬緡宣和費一百二十萬

中興鑄錢監

中興會要饒州永平監額四十六萬五千貫池州永豐

監三十四萬五千貫江州廣寧監二十四萬貫

後以十萬貫為

額建寧府豐國監二十五萬四百貫

淳熙二年罷一云紹興二年九月

罷韶州永通監四萬七千十七貫

淳熙十二年罷

贛州鑄錢監

嚴州神泉監並無定額

慶元三年八月戊子復置

紹興二年八月癸

巳令永豐監卒寓役於饒廣寧監卒寓役於虔

移少二就多

十七年七月庚午戶部侍郎林覺奏慶厯嘉祐以來歲鑄一百八十餘萬緡後亦不下一百餘萬紹興二十五

年猶得一十四萬六千緡二十六年得二十三萬緡

孝宗

定鑄額歲十五萬緡

冶場之盛名在幹官者鉛山濛山石堰峯水

昭寶富寶寶成寶瑞雙瑞嘉瑞大挺大濟永興新興興

國興利大富廣富通利通濟監務坑井殆幾萬計

建炎元年七月丙辰工部郎李士觀言江池饒建州四

監歲鑄錢百二十三萬餘緡多未輸者今發運司委官

催督九月庚戌始通當三大錢於淮淝荆湖諸路政和

舊法大錢止行於京畿東西河東北由是東南小平錢

甚重而物輕張壽言改當十為當三無私鑄之利請行於東南從之九月壬辰鑄建炎通寶三年六月三日命江池饒錢監以二萬五千緡為一網紹興元年八月十八日工部進真篆當二小平銅鐵錢牙樣詔下鑄錢司三年八月工部侍郎李擢言國初得唐乾元中所置永平監舊址因之歲鑄四十六萬緡逮至道咸平置永豐廣寧豐國三監總鑄八十六萬餘緡一歲上供百三十餘萬緡紹興二年八月併廣寧永豐於虔饒兩司分歲

額是年又罷豐國令度司閩漕各立歲額鑄不及往時  
十二三纔八萬緡十五年七月四日置利州鑄錢監二  
十六年六月十六日上謂錢法開元始精緻國家太平  
祥符崇寧錢亦精二十八年七月庚辰嚴銅禁紹興三  
十年五月丙戌諸路歲鑄錢以五十萬緡為額明年纔  
鑄及十萬緡惟嚴州神泉監直輸行在而建韶饒贛皆  
輸內帑乾道三年三月以左藏庫銅九萬八千八百十  
斤下嚴州神泉監鼓鑄

可鑄錢三萬九千五百餘緡

六年四月命朝

臣往淮西措置鑄錢六月舒曰同安監斬曰斬春監黃

曰齊安監七年十一月興置撫之裕國六萬緡臨江之豐

餘五萬緡興國之富民監十萬緡慶元三年二月癸巳復禁

銅器

紹興會子務

紹興元年六月壬午張俊始置見錢關子於婺州後行於

淮南江東議者言不便有五六年二月甲辰先是張澄請依四

川法造交子三十萬行於江淮至是遂置行在交子務


造百五十萬緡充糴本五月乙酉改為關子三十年十  
二月一日戶侍錢端禮言奉詔以臨安府應支官錢造  
會子欲以見錢品支三十一年戶部請以都茶場會子  
務為名二月丙辰始立會子務分一千二千三千凡三  
等乾道三年正月度支郎唐瑒言自紹興三十一年印  
造至乾道二年七月任印共印二千二百餘萬道五年  
正月辛酉詔以一千萬緡為一界

周官小宰八成四曰聽稱責以傅別注傅別謂券書也



用漢武帝之皮幣參唐憲宗之飛錢通物之變扶時之

偏



玉海卷一百八十

欽定四庫全書

子部  
玉海卷二百八十一

詳校官中書臣張經田

主事臣祁韻士覆勘

總校官進士臣朱 鈐

校對官主事臣陳文樞

謄錄監生臣婁春芳

欽定四庫全書

玉海卷一百八十一

宋 王應麟 撰

食貨

鹽鐵 茶法

呂成公曰洪範五行一曰水水曰潤下潤下作鹹此  
鹽之根原品目甚多世所共知者如青州出東海幽  
薊北海嶺南南海皆出於海劍南西川出於井河東

出於池鹽之尤著者河北鹵地出於地者永康軍崖  
鹽為出於山又有出石木大抵生民日用不可一日  
闕所以天地間無處不有自禹貢青州貢鹽絺此海  
鹽之見於經三代鹽雖入貢與民共之未嘗有禁自  
管仲相桓公始興策奪民利自後鹽禁方開漢興除  
山澤之禁武帝時孔僅桑弘羊祖管仲之法始禁權  
昭帝召賢良文學論民疾苦請罷鹽鐵弘羊論難不  
能廢元帝雖暫罷而復建此後法雖有寬有急然禁

權與古今相為終始以此知天下利源不可開一開不可  
塞本朝南方之鹽全在海其利廣最資國用北方全  
在解池與契丹西夏相參雜所以議論最詳海鹽全  
資於人解池全資於天自章惇行禁權蔡京專利變  
法鹽法既變犯禁者多矣 胡致堂曰鹽為天地自  
然之利盡捐之民則縱末作資游惰盡屬之官則奪  
民日用公室有近寶之害官為厲禁俾民取之而裁  
入其稅則政平害息

鐵官非世所重故  
論者詳於鹽法

禹鹽鐵

書禹貢青州貢鹽絺梁州貢鏐鐵

周禮九貢  
銀鐵物貢

呂氏春

秋伊尹曰大夏之鹽 廣韻注古者宿沙初作煮海為

鹽

說文  
同

周鹽人

禮鹽人卷二掌鹽之政令以共百事之鹽祭祀共其苦

鹽散鹽賓客共形鹽王之饌羞共飴鹽凡齊事鬻

鹽以待戒令注 杜子春讀苦為鹽鄭司農云散鹽

凍治者玄謂鬻水為鹽

疏鹽謂出於鹽池今類鹽是也散鹽出於東海

形鹽

鹽之似虎形

疏左氏傳鹽虎形是也

飴鹽鹽之恬者今戎鹽有

焉

疏即石鹽是也

齊事和五味之事鬻鹽凍治之鹹鹺建其

明號虎形昭其盛飾商書載說命之辭周官列鹽人之職

### 周安邑鹽池

水經汾水注穆天子傳曰乙酉天子西絕鉞蹬西南

至鹽

穆天子傳曰乃遂于鹽注鹽鹽池在河東解縣涑水注涑水又與景水合水出景山北谷

山



海經曰景山南望鹽販之澤郭景純曰即解縣鹽池也  
谷口嶺上有巫咸祠其水又逕安邑故城南又西流注  
于鹽池地理志曰鹽池在安邑西南許慎謂之鹽衰五  
十一里廣七里周一百一十六里宿沙煮海謂之鹽河  
東鹽池謂之鹽今池水東西七十里南北十七里紫色  
澄渟渾而不流水出石鹽自然印成朝取夕復終無減  
損惟暴雨則耗公私共竭水徑防其淫濫謂之竭水故  
山海經謂之鹽販之澤池西又有一池謂之女鹽澤東

西二十五里南北二十里在猗氏故城南春秋成六年  
晉大夫曰郇瑕地沃饒近鹽服虔曰引水分灌川野畦  
水耗竭土自成鹽即所謂鹹鹺也而味苦號曰鹽田鹽  
本司鹽都尉治領兵千餘人周穆王漢章帝並幸安邑  
而觀鹽池故杜預曰猗氏有鹽池後罷尉司分猗氏安  
邑置縣以守之河水又東過金城允吾縣北注十三州  
志曰湟水又東南逕卑禾羌海北有鹽池河水又東北  
高平川水注之注三水溫泉東有鹽池河水又東南逕

朔方縣故城東北注按地理志云金連鹽澤青鹽澤在縣南魏土地記曰縣有大鹽池其鹽大而青白名曰青鹽又名戎鹽 左傳郇瑕氏之地沃饒近鹽注猗氏縣鹽池韓獻子曰山澤林鹽國之寶也近寶公室乃貧

史記正義河東鹽池是畦鹽綠黃河鹽池有八九所而鹽州有烏池猶出三色鹽有井鹽畦鹽花鹽西方鹹地堅且鹹即出石鹽及地鹽 柳子晉問猗氏之鹽晉寶之大也決源醜流脉寫膏浸神液陰澆甘鹵密起孕靈

富媪不受其美迴眸一瞬積雪百里鍛圭椎壁印纍珠  
剖家獲作鹹之利人被六氣之用其賚天下也與海分  
功 周觀安邑之池晉寶郇瑕之利茲民仰食與海分  
功醜以千畦必待薰風之至凝而一色每同積雪之珍  
真潤下以作鹹異熬波而出素

齊鹽筴

管子海王篇海王之國謹正鹽筴十口之家十人食鹽  
百口之家百人食鹽終月大男食鹽五升少半

少半猶劣薄也

大女食鹽三升少半吾子食鹽二升少半

吾子謂小男小女也

其大厯也禹筮之商

禹讀為偶

日二百萬有二國之籍者六

千萬

注鹽官之利當一國而三萬人鐵官之利當一國而三萬人故能有二國之籍者六千萬人

鐵

官之數曰一女必有一鍼一刀耕者必有一耒一耜一

鉞行服連軺輦者必有一斤一鋸一錐一鑿鍼之重加

一三十鍼一人之籍刀之重加六五六三十五刀一人

之籍耜鐵之重加七三耜鐵一人之籍

注一女之籍三十鍼五刀一農

之籍三耜鐵其器彌重其加彌多

舉臂勝事無不服籍者桓公曰國無

山海不王乎管子曰因人之山海假之名

地數篇出銅之山四百六

十七出鐵之山三千六百九

輕重甲篇齊有渠展之鹽請君伐菹

薪煮水為鹽

一云煑泔水

征而積之十月至正月成三萬六

千鍾下令曰孟春農事起無得煮鹽此則坐長十倍桓

公糶之得成金萬一千餘斤

管仲之鹽鐵稅之而已鹽雖官自煮鐵則官未嘗冶

鑄計口食鹽而鼎筴之算密計人用鐵而加籍之數重王道浸微王伯爭鶩設祈望之守興權筦之法以

佐兵賦寬地征

國語齊通魚鹽於東萊左傳晏子曰海之

鹽祈望守之

漢貨殖傳猗頓用鹽鹽起

鹽池也

郭縱以鑄

冶成業蜀卓氏用鐵冶富程鄭亦冶鑄羅裒擅鹽井之  
利期年所得倍宛孔氏用鐵冶為業大鼓鑄魯丙氏以  
鐵冶起刁間逐魚鹽之利凡名氏見于貨殖傳四十人  
力田務本以其道而富者宣曲任氏而已

漢郡國鹽鐵官 幹官 鹽鐵令品鹽澤

地理志河東郡安邑縣

鹽池在西南

千乘郡東萊郡東牟縣

蜀郡臨邛縣犍為郡南安縣隴西郡遼東郡平郭縣皆  
有鐵官鹽官京北鄭馮翊夏陽扶風雍漆弘農郡宜陽

縣河東郡皮氏平陽絳縣太原郡大陵河內郡隆慮河  
南郡潁川郡陽城汝南郡西平南陽郡宛廬江郡皖山  
陽郡沛郡沛魏郡武安常山郡都鄉涿郡千乘郡千乘  
濟南郡東平陵歷城泰山郡嬴齊郡臨淄琅邪郡東海  
郡下邳朐縣臨淮鹽漬堂邑桂陽郡漢中郡沔陽犍為  
郡武陽漁陽郡漁陽右北平郡夕陽中山國北平膠東  
國郁秩城陽國莒東平國魯國魯楚國彭城廣陵國皆  
有鐵官太原郡晉陽縣南郡巫鉅鹿郡堂陽渤海郡章



武北海郡都昌壽光東萊郡曲成愷縣昌陽當利琅邪

郡海曲計斤長廣會稽郡海鹽益州郡連然巴郡朐忍

安定郡三水北地郡弋居上郡獨樂龜茲西河郡富昌

朔方郡沃野

又朔方縣有金連鹽澤青鹽澤皆在南

五原郡成宜鴈門郡

樓煩

又鹽澤在沃陽東北有長丞

漁陽郡泉州遼西郡海陽南海郡

番禺蒼梧郡高要皆有鹽官 地理志自京北至廣陵

凡郡四十有鐵官五十一

一作四十八

自河東至蒼梧凡郡二

十五有鹽官三十五

一作三十六 或曰天下郡縣有鹽鐵官者七有鐵官者四十三有

鹽官者二十九 洪氏曰鐵官三十八鹽官二十九  
以史攷之鹽鐵置官多布于西北而東南之郡不多有終  
軍詰徐偃曰為膠東魯國器用食鹽取給鄰郡且鹽鐵  
郡國有餘藏縱膠東魯國廢不足為國家利害則知孝  
武猶未竭  
利盡取也 食貨志元狩四年以東郭咸陽孔僅為大

農丞領鹽鐵事咸陽齊之大鬻鹽僅南陽大冶鄭當時  
進言之桑弘羊賈人子三人言利事析秋豪矣明年大  
農上鹽鐵丞孔僅咸陽言山海天地之藏宜屬少府陛  
下弗私以屬大農佐賦願募民自給費因官器作鬻鹽  
官與牢盆敢私鑄鐵器鬻鹽者鈇左趾沒入其器物郡

不出鐵者置小鐵官

鑄故鐵

使屬在所縣使僅咸陽乘傳

舉行天下鹽鐵作官府

主鬻鑄出納

除故鹽鐵家富者為吏

通鑑綱目元狩四年冬置鹽鐵官  
大事記五年初權鹽鐵

大農幹鹽鐵官布多置

水衡欲以主鹽鐵大農以均輸調鹽鐵助賦元封元年

弘羊代僅幹天下鹽鐵請置大農部丞數十人分部主

郡國各往往置均輸鹽鐵官 紀昭帝始元六年二月

詔問郡國所舉賢良文學民所疾苦議罷鹽鐵權丞相

奏罷關內鐵官  
見上

宣帝地節四年九月詔減鹽賈元帝初元

五年四月詔罷鹽鐵官永光三年冬以用度不足復鹽

鐵官

志曰三年而復

成帝河平三年正月沛郡鐵官治鐵飛

行

志征和二年涿郡鐵官鐵飛

陽朔三年六月潁川鐵官徒百八十人

盜庫兵永始三年十二月山陽鐵官徒二百二十八人

盜庫兵列傳張湯請造白金及五銖錢籠天下鹽鐵

師古曰籠羅其事皆令利入官傳又云趙國以冶鑄為業王數訟鐵官事

賈捐之對武

帝時民賦數百造鹽鐵酒榷之利以佐用度貢禹言

漢家鑄錢及諸鐵官皆置吏卒徒攻山取銅鐵一歲十

萬人已上中農食七人是七萬人常受其饑也 王尊

補遼西鹽官長

如淳曰地理志  
遼東有鹽官

翟方進請增光鹽鐵

百官表治粟內史更名大司農屬官有幹官鐵市兩

長丞初幹官屬少府中屬主爵後屬大司農注如淳曰

主均輸之事所謂幹鹽鐵而榷酒酤也 史記自序司

馬昌為秦王鐵官 貨殖傳山東食海鹽山西食鹽鹵

嶺南沙北固往往出鹽 鹽鐵論本議篇大夫曰先帝

建鐵官以贍農用水旱篇賢良曰縣官鼓鑄多為大器

務應負程不給民用鹽與五穀同賈民或木耕手耨復古篇大夫曰故扇水都尉彭祖寧歸言鹽鐵令品令品甚明卒徒衣食縣官作鑄鐵器給用甚衆而吏或不良禁令不行故民煩苦之 後百官志大司農屬官舊有郡國鹽官鐵官中興皆屬郡縣注出鹽多者置鹽官主鹽稅出鐵多者置鐵官主鼓鑄 紀和帝章和二年夏四月戊寅詔曰昔孝武致誅胡越故權收鹽鐵之利以奉師旅之費自中興以來匈奴來賓永平末年復脩征

伐先帝即位務休力役然猶深思遠慮安不忘危探觀  
舊典復收鹽鐵欲以防備不虞寧安邊境而吏多不良  
動失其使以違上意先帝恨之故遺戒郡國罷鹽鐵之  
禁縱民煮鑄入稅縣官如故事永元十五年七月丙寅  
復置涿郡故安鐵官 列傳鄭衆建初六年為大司農  
肅宗議復鹽鐵官衆諫以為不可 注昭帝罷之  
今議欲復 詔數切  
責至被奏劾衆執之不移帝不從 朱暉元和中穀貴  
縣官經用不足尚書張林上言鹽食之急者雖貴人不

得不須官可自鬻詔諸尚書通議暉奏林言不可施行  
事遂寢後陳事者復重述林前議以為便帝然之有詔  
施行暉復獨奏曰鹽利歸官則下人窮怨帝怒切責諸  
尚書暉等皆自繫獄言帝乃意解寢其事 馬稜章和元

年遷廣陵太守時穀貴民饑奏罷鹽官以利百姓 循

史傳衛颯建武二年遷桂陽太守耒陽縣山鐵石

續志  
耒陽

縣有  
鐵官他郡民庶私為冶鑄多致姦盜颯乃上起鐵官罷

斥私鑄歲所增入五百餘萬



漢鹽鐵論

見論類 本議第一曰惟始元六年有詔使丞相御史與所舉賢良文學問民疾苦文學對曰抑末利開仁義御史大夫桑弘羊難以為安邊足用之本罷之不便文學曰有山海之貨而民不足於財者不務民用而淫巧衆是開利孔為民罪梯也禁耕第五大夫曰異時鹽鐵未籠布衣有胸邴人君有吳王專山澤之饒私威積而逆節之心作文學曰王者不蓄聚下藏於民遠浮利務

民之義故權利深者不在山海在朝廷一家害百家在

蕭牆不在胸臆

文帝時無鹽鐵之利而民富今有之而百姓病文帝縱民得鑄錢冶鐵煮鹽

吳王擅鄣海澤  
鄧通專西山

復古第六大夫曰古者名山大澤不以

封為下之專利也豪民欲擅山海以致富業故沮事者

衆文學曰今公卿辨議所謂抱小利而忘大利利議第

二十七大夫曰明主憂勞萬人思念北邊故舉賢良文

學高第將欲觀殊議異策諸生無能出奇計徒守空言

不知取舍之宜時世之變文學曰諸生對策殊路同歸

指在於崇禮義退財利復往古之道匡當世之失執事  
闇於明禮而喻於利末以故未決國病第二十八丞相  
史曰辯國家之政事論執政之得失何至切切如此乎  
賢良文學曰諸生之諤諤乃公卿之良藥鍼石也執務  
第三十九丞相史曰先王之道軼久而難復賢良文學  
之言深遠而難行非當世之所能及也遂罷議請且罷  
郡國權酷關內鐵官奏可 雜論第六十曰汝南朱子  
伯言當時豪俊輻輳賢良茂陵唐生文學魯萬生之倫

卒餘人云然蔽於雲霧終廢而不行公卿知任武可以  
辟地不知德廣可以附遠知權利可以廣用不知稼穡  
可以富國也

漢勃海鹽池 鹽井

平當傳使行流民幽州舉奏吏二千石勞徠有意者言  
勃海鹽池可且勿禁以救民急 宣紀蓮勺鹵中注如  
淳曰有鹽池縱廣十餘里名為鹵中師古曰今在櫟陽  
縣東 地理志金城臨羌有鹽池越嶲定祿出鹽 後

西羌傳虞詡疏雍州之域有龜茲鹽池為民利注上郡

龜茲縣有鹽官 貨殖傳成哀間成都羅哀擅鹽井之

利遂殖其貨

王莽傳羌豪良願等獻鮮水海允谷鹽池

漢安邑鹽池 唐寶應靈慶池

地理志河東安邑鹽池在西南

魏都賦墨井鹽池注在猗氏南東西六十四里

南北七十里洛陽記曰河東鹽池長七十里廣七里

後漢志河東鹽池注水氣

紫色有別御鹽四面刻如印齒文章字妙不可述 後

紀章帝元和三年秋八月乙丑幸安邑觀鹽池

許慎說文云河

東鹽池袤五十一里廣七里周一百一十六里在今蒲州虞鄉縣西

靈帝熹平四年六

月遣守宮令之鹽監穿渠為民興利注今蒲州安邑縣

西南有鹽城監揚雄傳上河東賦云三月將祭后土

回安邑顧龍門覽鹽池注師古曰鹽池在今虞州安邑

南唐地理志河中府安邑有鹽池與解為兩池大歷

十二年生乳鹽賜名寶應靈慶池

見池類

郭璞鹽池賦水

潤下以作鹹莫斯鹽之最靈錡剡碁方玉潤膏澤雪白

凌岡粲若散壁煥若布璋若乃煎海鑠泉或凍或漉飴

戎見珍於西隣火井擅竒乎巴濮豈若茲池汲靈潤於河  
汾總膏液乎滄涑

漢弛山澤

紀文後六年夏四月大旱弛山澤

解而不禁與衆庶同其利

武元鼎

二年秋九月詔曰山林池澤之饒與民共之元初元元  
年四月詔江海陂湖園池屬少府者以假貧民勿租賦

唐開元十六年十二月甲辰弛陂澤禁

魏鹽池 蜀漢鹽池

徐邈傳魏明帝以徐邈為涼州刺史河右少雨乏穀邈  
上脩武威酒泉鹽池以收虜穀又廣開水田 蜀志先  
主定益州置鹽府校尉 王連傳遷司鹽校尉較鹽鐵  
之利利入甚多有裨國用 文選蜀都賦濱以鹽池  
魏都賦墨井鹽池元滋素液 後魏志自遷鄴後於滄  
瀛幽青四州之境傍海煮鹽滄州置竈一千四百八十  
四瀛州四百五十二幽州一百八十青州五百四十六  
又邯鄲置竈四計終歲合收鹽二十萬九千七百八斛



四升

太和二十年十二月乙丑開鹽池禁

魏有水精戎鹽

九種鹽

河東鹽池歲絹三十萬

景明四年七月庚午

匹隋初通鹽池鹽井與民共之

復收鹽池利正始三年四月乙未罷之從甄琛議

琛表云周

禮山林川澤有虞衡之官為之厲禁蓋取之以時不使戕賊實為民守之也今縣官郭護河東鹽池而收其利是專奉口腹不及四體也神龜元年復置監官 陳書天嘉二年虞

荔孔奐以國用不足奏立煮海鹽稅 隋志後周掌鹽

掌四鹽政令散鹽煮海以成之鹽鹽引池以化之形鹽

掘地以出之飴鹽於戎以取之 理道要訣陳虞荔孔

與之徒魏高陽清河之輩皆言煮海之說用明利國之方

唐鹽池 鹽井 鹽院 觀鹽池 鹽屯 鹽

法

食貨志唐有鹽池十八井六百四十皆隸度支蒲州安邑解縣有池五總曰兩池歲得鹽萬斛以供京師鹽州

五原有烏池白池瓦池細項池地理志夏州朔方有鹽池二靈州有

溫泉兩井會要無靈州長尾五原紅桃回樂弘靜池地理志京兆富

平有鹽池澤

會州有河池

地理志因雨生鹽

三州皆輸米代鹽安北

都護府有胡落池歲得鹽萬四千斛給振武天德

地理志宥

州長澤有胡洛鹽池甘泉張掖涼州姑臧肅州福祿伊州納職皆有池

黔州有井四十一

成嵩州井各一果閩開通井百二十三山南西院領之

邛眉嘉州有井十三劍南西川院領之梓遂綿合昌渝

瀘資榮陵簡等州井四百六十劍南東川院領之皆隨

月督課幽州大同橫野軍有鹽屯每屯有丁有兵歲得

鹽二千八百斛下者千五百斛

明皇時姜師度尹河中時安邑鹽池涸廢師度

大發卒漁引其流置負海州歲免租為鹽二萬斛以輸鹽屯公私收利不貲

司農青楚海滄棣杭蘇等州以鹽價市輕貨輸天寶至德間鹽每斗十錢乾元元年第五琦為使初變鹽法就山海井竈近利之地置監院游民業鹽者為亭戶及為

權鹽鐵使盡權天下鹽後劉晏上鹽法輕重之宜

琦始權鹽

佐軍興晏代之法益密

以出鹽鄉因舊監置吏亭戶糶商人縱其

所之江嶺去鹽遠者有常平鹽商人不至則減價以糶民官收厚利而人不知貴吳越揚楚鹽廩至數千有連

水湖州杭州越州四場嘉興海陵鹽城新亭蘭亭臨平

永嘉太昌候官富都十監歲得錢百餘萬緡以當百餘

州之賦自淮北置巡院十三

揚州至鄭滑

捕私鬻者姦盜哀

息晏之始至也鹽利歲纔四十萬緡大厯末六百餘萬

緡天下之賦鹽利居半宮闈服御軍饗官俸皆仰給

初傳

歲收緡錢六十萬末乃什之計歲入千二百萬而權居大半京師鹽貴詔取三萬斛赴關中自揚州四旬至都

人以為神

貞元四年江淮斗增二百為錢三百一十後復增

六十河中兩池鹽斗三百七十豪賈射利官收不能半

劉晏鹽法既成商人納絹代鹽利者緡加二百備將士

春服

德宗詔中書度支議減鹽價曰煮海之利所入歲倍田租軍費日增權價日重有以穀一斗易鹽一

升順宗始減江淮鹽價斗二百五十河中兩池鹽斗錢

三百增雲安渙陽塗澮三監其後江淮斗減錢十以便

民元和元年四月

一云二年三月

李巽為使以鹽利皆歸度支

物無虛估

會要巽奏去年收緡錢七百二十七萬比舊法張其估一千七百八十餘萬非實數請以

其數付度支鹽利

繫度支自此始

天下糶鹽稅茶其贏六百六十五萬

緡初歲之利如晏季年後三倍晏時

傳自劉晏後賦入股耗巽滋職一年

較所入如晏最多之年明年過之又明年增百八十萬緡與薦程昇為揚子留後計較增於吳四年五月吳

卒兩池鹽利歲收百五十餘萬緡四方豪商雜處解縣

主以郎官其佐貳皆御史鹽民田園籍於縣而令不得

以民治之

李晟傳城鹽州復故池以新鹽賜宰相

憲宗討淮西度支使皇

甫鏞奏加劍南東西川山南西道鹽估以供軍

峽內四監

自

兵興河北鹽法羈縻而已鏞奏置權鹽使如江淮權法

一云稅鹽院

兩池置權鹽使自貞元十九年史牟始

元和十四年三月鄆兗青三州置權鹽院十五年九月

庚子朔改河北稅鹽使為權鹽使長慶元年三月戊申停河北權鹽法太和五年王承元徙節平盧淄青始鹽

禁未嘗行兩河承元請歸有  
司由是究鄆諸鎮皆奉行

長慶二年戶侍張平叔議

權鹽法弊請官自糶鹽可以富國

疏其利  
十八事

詔公卿議中

書舍人韋處厚

發十難抗論不可以為強人所不能  
事必不立禁人所必犯法必不行

兵

部侍郎韓愈條詰之平叔屈服

會要太和三年四月安  
邑解兩池權課以錢百

萬緡為定額及大中六年年度支收  
權利一百二十一萬五千餘緡

宣宗即位判度支盧

弘宣

傳作盧  
弘止

以兩池鹽法敝遣司空輿更立新法其課

倍入遷權鹽使

輿為安邑兩池權鹽使先是法疏  
澗吏輕觸禁輿為立約數十條

宣宗

擇嘗更畿輔望縣令者為監院官戶部侍郎裴休為使



上鹽法八事法皆施行兩池權課大增後諸鎮擅利兩池為河中王重榮所有歲貢鹽三千車田令孜請以屬

鹽鐵使竟不能奪

地理志

總括諸道

凡天下有鹽之縣一

百五關內自富平至長澤縣九河南自掖至莒縣六河東安邑解縣二河北自鉅鹿至清池三山南自秭歸至西充十八隴右自長道至玉門縣八淮南海陵鹽城縣二江南自嘉興至彭水縣十二劍南自彭州蒲江至江安縣三十九嶺南自東筦至義倫縣六並有鹽 太宗

紀貞觀十二年二月乙丑如陝州丁卯觀鹽池 會要

開元元年十二月河中尹姜師度以安邑鹽池漸涸疏

決水道置為鹽屯公私大收其利

前世鹽皆自生開元中姜師度為尹而池

涸故唐格自開元後遂有畦夫營種之課 皇朝張席上書論鹽漫生之利遂罷畦夫 其年十一

月五日左拾遺劉彤上表論鹽鐵請官收其利

表曰取山澤則

公利厚而人歸於農取貧人則公利薄而人去其業先王之作法也山海有官虞衡有職輕重有術禁發有時

一則專農二則饒園 上令宰臣議可否咸以鹽鐵之利甚益國用

遂令將作大匠姜師度戶部侍郎強循俱攝御史中丞

與諸道按察使檢校鹽鐵之課

傳云俄為議者沮閣不行

十年八月

十日敕諸州鹽鐵令刺史上佐檢察收課貞元二十一年

年二月乙丑

順宗

停鹽鐵使月進

王播傳長慶初復領鹽鐵以正額月進為羨餘

歲百萬緡

又請鹽院糶鹽與商人斗加五十通舊三百文元和五年王播奏江淮河南嶺南峽中兗鄆等

鹽利錢六百九十八萬貫比改法以前舊鹽利時價四

倍虛估此錢當為一千七百四十餘貫請付度支從之

七年播奏去年鹽利除割峽內鹽收錢六百八十

五萬從實估也六年詔峽內鹽五監屬度支

列

傅齊抗以倉部郎中幹鹽利

劉晏正鹽官法以禪用

唐鹽鐵使

鹽鐵使乾元元年度支郎中第五琦充諸道鹽鐵使

琦三

為使

劉晏三

元載

包吉

崔縱

韓滉

竇參

張滂

王緯

李錡

杜佑

李巽

李鄘

盧坦

王播三

柳公綽

王涯

令狐楚

李石

楊嗣復

崔珙

杜棕

再

馬植

裴休

柳仲郢

夏侯孜

劉鄴 于琮

崔彥昭

王凝

裴坦

高駢

蕭遇

韋昭度

孔緯

杜遜

能崔昭緯

李知柔

徐彥

若崔嗣

裴樞

柳璨

自乾元元年至天祐元年

為鹽鐵使者四十有二人 安邑解縣兩池置權鹽使

一負烏池

在鹽州

温池置權稅使

貞元二十一年鹽鐵

度支合為一使以杜佑兼領

杜棕兼度支鹽鐵并二使財以贍兵 王涯亦兼領

寶應元年劉晏領度支鹽鐵轉運鑄錢租庸使鹽鐵

兼轉運自晏始 長慶二年張平叔請宰相領使韋處

厚曰論道之地不宜雜以鹺務

有鹽之縣一有鐵之縣一

### 唐權鹽院

舊紀長慶元年三月戊申罷河北權鹽法計課利數付

權鹽院

唐兩池鹽法

盧弘止傳領度支初兩池鹽法弊得費不相償弘止使判官司空與檢鈎釐正條上新法即表與兩池使自是課入歲倍

理道要訣大厯中舉天下鹽利九百餘萬貫

唐稅茶法

紀德宗建中三年九月丁亥初稅商錢茶漆竹木興元

元年正月罷竹木茶漆稅貞元九年正月癸酉復稅茶

舊紀初  
稅茶

文宗太和七年正月壬辰罷吳蜀冬貢茶

食貨志德宗納戶部侍郎趙贊議稅天下茶漆竹木十

取一以為常平本錢

稅茶肇  
於此

及出奉天下詔罷之

興元  
元年

正月癸  
酉罷之

貞元八年以水災減稅明年諸道鹽鐵使張滂

奏出茶州縣若山及商人要路以三等定估十稅其一

歲得錢四十萬緡

茶稅自  
滂始

然水旱未嘗征之也

十年陸  
贄請以

稅茶錢置義倉云歲約得五  
十萬貫勅令貯戶部救飢凶

穆宗即位

長慶元年  
五月壬子

王播

增天下茶稅率百錢增五十右拾遺李珣諫

言不可有三不從

珣傳曰播增茶稅十之五

其後王涯判二使

太和九年王涯判二使改江淮嶺南茶法增其

稅十月乙亥涯兼權茶使

徙民茶樹於官場焚其舊積天下大怨令

狐楚代為鹽鐵使

十二月

復令納權加價而已

詔罷權茶

李石

為相

開成元年

以茶稅歸鹽鐵復貞元之制

會要太和五年九月敕稅茶法

起來年付鹽鐵使收管九年令狐楚請付州縣而入其租于戶部人悅焉開成元年李石以中書侍郎判收茶

法武宗即位崔珙又增江淮茶稅諸道置邸收稅謂之

捐地錢私販益起大初中鹽鐵轉運使裴休著條約天



下稅茶增倍

大中六年正月二十六日裴休奏墮革橫稅招諭私販四月天平浙西請依舊稅茶

五月休又立稅茶之法凡十二條上大悅

貞元江淮茶為大摸一斤至五十

兩鹽鐵使于棕每斤增稅錢五謂之剩茶錢

咸通中

列

傳庾敬休為戶部侍郎西川山南道歲征茶募賈人入

錢京師敬休請置院秭歸收度支錢敬晦觀察浙西

時南方連饑有詔弛權酒茗裴休立稅茶十二法人

以為便時方鎮設邸閣居茶建言許收邸直毋擅賦商

人陸羽著茶經三篇常伯熊因羽論復廣著茶之功

其後尚茶成風回紇入朝始驅馬市茶何易于為益昌  
令鹽鐵官權取茶利詔下所在毋敢隱易于命吏閣詔

地理志湖州長城顧山有茶以供貢

義興貢茶自  
李栖筠始

憲宗元和十四年八月乙亥歸光州茶園於百姓

穆宗元和十五年三月罷歲貢茶 丁謂曰元和國計

圖稅茶歲不過四十萬緡

### 乾德權貨務

乾德二年八月辛酉置權貨務京師及建安漢陽蘄口

並置

開寶三年七月丁亥移建安務於揚州今客旅入金銀錢帛於揚州給憑就建安請領茶貨交引始

於此 十月甲申禁私販河東及幽州蓋為契丹北漢設也

開寶七年閏十月有司

欲請湖南新茶之估以出於民上曰是不重困吾人耶

遂置其議

詔書屢下弛鹽禁於河北實鹽價於海瀕

興國元年十月二十二

日詔茶鹽權酷以開寶八年額為定不得復增二年正

月辛卯江南漕臣樊若水奏增茶價二月敕於沿江置

權貨八務五年八月禁私茶淳化四年二月四日

癸亥廢

八權務自江之南悉免其算

先是秘丞劉式請廢權務許商人輸錢京師給券就

茶山給以新茶縣官減轉  
漕之直而商價獲利從之  
七月十二日戊詔仍舊貫復

置八務至道元年七月十九日以楊允恭兼制置茶鹽

使李廷遂王子輿副之二年九月詔連州歲造龍鳳茶

咸平二年九月二十三日子輿言江淮浙茶鹽收錢三

百九十七萬餘緡增五十萬八千餘緡自江淞納土

歲及二百萬緡六年七年並及三百萬緡八年  
權務茶引錢一百五十萬緡比新額虧十萬緡  
惟川

峽廣南茶聽民自賣買禁其出境餘悉權淮南則斬黃

廬舒壽光六州官置吏總之謂之山場者十有三  
四蕪州

黃州一 廬州一 六州採茶之民隸焉謂之園戶先受  
舒州二 壽州五

本錢而後入茶又有折稅茶總為歲課八百六十五萬

餘斤其江浙荆湖福建等州歲如山場輸租折稅總歲

課江南千二十七萬餘斤 兩浙福建三十九萬三十餘斤 皆轉輸要會之

地為六權貨務江陵 真州 海州 蘄州 蘄口 無

於興元府置權茶務上不許 會要稅租之數總二十

二萬八千七百五十二斤山澤之入總四十八萬二千

一百七十九斤租錢之數總二十二萬三千七百九十

六貫本錢之數總四十四萬七千一百四十四貫權易  
之利總八萬貫稅錢之數銅錢四十五萬八千六百六  
十貫鐵錢六萬五千七百七十一貫

咸平元年茶利錢  
一百四十萬貫為

額景德中歲課緡錢至三百六十  
餘萬祥符中歲收息五百餘萬緡

沈括云六權務十

三山場鬻茶歲一千五十三萬三千七百四十七斤咸  
平元年茶利錢以一百三十九萬二千一百十九貫三  
百十九為額

### 乾德權茶

乾德五年初權江淮湖浙福建路茶蓋禁南商擅有中  
州之利故置場以買之自江以北皆為禁地興國中樊  
若水奏江南諸州茶官市十分之八其地分量稅聽自  
賣踰江涉淮乘時射利望嚴禁之謂乾德權法也自若  
水建議其法始密凡茶之利一則官賣以實州縣一則  
沿邊入中糧草筭請以省餽運一則權務入納金銀錢  
帛筭請以贍京師而河東北互市川陝折博又以所有  
易所無而其大者最在邊備蓋祖宗以西北宿兵供億

之費重困民力故以茶引走商賈而虛估加擡以利之  
其後理財之臣以遺利在民數務更張然大槩無過李  
諮林特二法大槩以折茶商及便邊民特以實錢算茶  
諮祖劉式之意使自就山園買茶而官場坐收貼納之  
利行之三年而罷景祐以後西邊事興始復行加擡法  
嘉祐四年一切弛禁自此茶不為民害者六七十載至  
蔡京始復權法於是茶利自一錢以上皆歸京師矣  
真宗時胡則提舉二浙權茶法 紹興十二年十月丁



亥詔福建專置提舉茶事官置司建州先是歲貢片茶二十餘萬斤建炎二年罷之以市舶官兼茶事紹興四年市五萬斤為大禮賞及是將鬻建茶於臨安始別置官

淳化制置茶鹽使

建隆二年正月戊午以解州刺史周訓兼兩池榷鹽制置使

解鹽制置使始見此

淳化三年十月丙子命雷有終為江淮

兩浙制置茶鹽使張觀薛映副之上欲更立榷制初以

趙昌言為使昌言力陳非便以有終代之至道元年七

月癸亥以楊允恭為都大發運使改擘劃為制置茶鹽

使咸平二年制置使王子與言江淮浙收錢三百九十七萬餘貫比舊額增五十萬八千餘貫景德

三年二月癸巳馮亮制置茶鹽兼都大發運使康定元

年五月十七日王滋為陝西河東制置青白鹽使慶曆

二年以度支判官范宗傑為制置解鹽使始詔復京師

權法八年范祥制置解鹽一切通商嘉祐中即發運

司置官專領運鹽事

咸平江淮鹽法

建隆二年五月丁丑以兩池鹽給徐宿鄆濟州乾德三年正月減西川鹽價四年十月寬犯鹽之罪開寶三年四月庚子除河北鹽禁收其征四年四月己巳詔權嶺南鹽七年七月減成都鹽價興國三年二月甲子罷昌州鹽井虛額雍熙元年五月除江南鹽禁二年六月戊子尋復之端拱元年七月除蜀鹽禁至道二年十一月楊允恭言淮南十八州軍其九禁鹽餘不禁商人由海

上販鹽官倍數而取之至禁鹽地則上下其價今請悉  
禁遣吏主之詔知制誥張秉與鹽鐵使陳恕等會議恕  
等言不可允恭力請詔從之是歲收利巨萬咸平元年  
十月十八日以允恭建議江淮鹽法擢康州刺史釋恕  
不問慶厯六年五月十一日戊子減邛州鹽井歲課十  
一月詔罷河北權鹽嘉祐三年冬十月癸亥除河北陪

納鹽錢

河北滄濱二州鹽務歲課九千餘石以給一路  
自開寶以來聽商人貿易官收其算歲為額錢

十五萬緡 景德中諸路鹽課三百五十五萬緡慶厯  
五年七百十五萬緡 嘉祐二年十月三司言商旅於

權貨務入錢算東南鹽歲課四百萬緡乙亥以朱處仁為江淮荆湖制置司幹當運鹽治平中李復圭等請

減淮南鹽價

然不果行

元祐元年正月二十八日詔河北鹽

復用舊法通商

紹聖四年復權

太祖放河北鹽稅太宗通

金商鹽真宗施儀渭權法 國朝鹽池二監七場二

十二井八百二十二 鹽四種一曰末鹽海鹽也其

次顆鹽

解州鹽澤及晉絳潞澤所出

又次井鹽

鑿井取之

又次崖鹽

生土崖之間

淮南鹽置倉以受之通楚州各一秦州

三又置轉般倉二一於真州以受五倉鹽一於

連水軍以受海州連水鹽江南荆湖歲漕米至淮南受鹽以歸

祥符瑞鹽

祥符三年八月辛未解州言東池水自成鹽潔白晶瑩九月辛巳賜近臣及二館秘閣解州瑞鹽時兩池自生

凡數十里陳堯叟等繼獻

凡四千七百斤知制誥錢惟演直史館盛度集賢校理宋

綏咸奏賦紀其事

四年二月丙寅又出解池自生鹽賜近臣及

列校 崇寧四年六月十一日以興復解池鹽寶百官

表賀政和元年八月生紅鹽

祥符茶法

祥符二年五月乙亥

二十一日

鹽鐵副使林特昭宣使劉承

珪江淮制置發運使李溥等編茶法條貫上之

歲益課百餘萬

序曰山澤之饒茶茗居最頃備邊費許折緡錢以入芻

米給茗便商助軍國之用歲久弊多公私俱耗臣等訪

利病閱詔條叅酌遠猷別議新式歲序再周課程增羨

其所定制勅條貫共二百九十九道內二百道出於權

制非可久行今止列事宜不復備錄其法程及課利總

數共成三十三冊

一云二十三策

宜為永制八年閏六月庚寅

上謂輔臣曰有言茶法不便於小商丁謂曰未改法日

歲虧茶本錢九千餘貫改法後歲入常二百餘萬貫邊

防有儲蓄權場無陳積

會要茶利舊收七十三萬八百五十貫自特改法收七百

九萬二千九百六十貫 十月九日李溥言十  
二山場比元額增五百七十二萬八千餘斤

九年二

月庚辰上謂輔臣曰權務去年茶引錢一百五十萬緡

比新額僅虧十萬緡丁謂曰比來改法利且倍矣辛巳



三司上歲校茶利數上問輔臣王旦對元和國計圖稅  
茶歲不過四十萬緡今若守改定之法則歲利三百萬  
貫不失矣天禧二年十月二十八日又詔諫議孫奭與

三司同定茶法務從寬簡三年合六權務十三山場所

收十二萬緡

時言者愈多不過欲惠小商優  
市戶朝廷亦嘗優其直饒其給

祥符元年六月壬子罷諸路貢茶先是貢茶者三十餘

州

祥符議茶鹽制度

九年十月二十六日丁酉詔曰山澤之禁慮傷厚斂令

翰學李迪中丞凌策

十二月十一日改命侍御史呂夷簡

與三司同議茶

鹽制度俾園亭戶無失所商旅便興販百姓供用不匱

入中算射一依往例

國家茶鹽之利兼唐數倍

### 天聖詳定鹽法

咸平四年十一月直史館孫冕言江湖通商放鹽為公私之利有十而議事之徒疑沮者有三詔吏侍陳恕等議已卯恕言江湖禁絕私商蓋由近煮海之地息犯禁

之人近者陝西鹽法亦令納秸資邊但有虛名異時豐羨可用其所畫未可施於今議遂寢六年正月十二日度支使梁鼎言解鹽通商減價以利民也而邊民販青鹽犯條禁請官自鬻鹽詔輔臣議陳堯叟言禁鹽利博呂蒙正等言可助邊費乃以鼎為陝西制置使閤門祇候杜承睿同制置青白鹽既而議者言其煩費請復通商乃命太常博士林特與永興守臣張詠議復舊通商五月鼎以前議非當罷使職景德元年九月陝西以鹽錢均於部民三年五月五

日度支副使李士衡言永興尤多於民不便請減十分之四  
詔悉除之祥符四年十月十八日以江淮鹽酒價不等命三  
司與發運使李溥規定有司言慮失歲課帝曰苟便於民何顧  
歲入九年四月陝西漕臣言安邑解縣兩池貯鹽三億八千  
八百八十萬八千九百二十八斤計直二千一百七十六萬  
一千八十貫慮有遺利請行條約帝曰地財之阜至矣  
過求增羨不可許也天聖初置司議茶鹽利害見上因言  
解鹽兩池舊募商人入錢在京榷務乾興初歲入纔二

十三萬緡視天禧損十四萬請罷之令入中並邊芻粟  
久之復令入錢于京從商人所便而民困轉輸至是上  
書者言禁鹽利微而害博請聽通商八年八月丙戌命  
學士盛度中丞王隨詳定鹽法利害度等上通商五利

十月丙申

十六日

詔除解鹽禁行通商法聽商旅入錢若

金銀在京權務受鹽兩池人便之九年十一月十八日

度言在京鹽院請權罷輦運明道元年十二月二十三  
日命三司李誥與學士度隨同議通商之法二年八月

十九日度請自正月後另起條貫改更新例報詳定所  
景祐元年二月壬辰朔以解州鹽池貯鹽可支十年權  
停種鹽二年十三日度言奉詔與參政隨及三司官詳  
定解鹽三年收種鹽二百七十五萬八千六百餘斤始  
立法於一年復考績於三載仰遵聖制已集成規請以  
鹽法宣付史館詔可丁未隨度各與一子官寶元二年  
六月十四日乙亥右司諫韓琦請以新舊二法取其利  
博者以為經久之制詔學士宋庠知制誥王堯臣與三

司議庠等言新法視舊法歲課損三百六十萬緡慶厯四年二月乙未命知汝州范祥使陝西與漕臣程戡議解鹽法八年十月除陝西鹽禁以范祥為陝西提刑兼制置解鹽使推行其法舊禁鹽地一切通商鹽入蜀者亦縱不問仍罷並邊入中芻粟令入實錢以鹽償之所入緡錢以市芻粟弛輦運之役峻青鹽之禁公私便之

先是慶厯二年范宗傑建禁榷之議官自輦運民力頗困故祥建言通商歲課緡錢一百六十萬以計置沿邊九州軍一百二十餘城寨芻粟可助十分之八罷在京見錢文引法

皇祐元年十月壬戌

命戶部副使包拯與陝西漕臣議鹽法

李徽之言通商不便命兩制與

祥徽之議率以祥為是  
拯至陝西力主祥議

三年十月二日詔解鹽聽通商

二年較其增損以聞

後拯權三司使言范祥建議議通陝西鹽法行之十年歲減權貨務緡

錢數百萬其勞可錄

設制置解鹽司置九折博務

熙寧二年七月二十九日翰學司馬光及呂公著監議  
鹽法時張靖薛  
向論陝西鹽熙寧中江西提刑蔡挺兼提領鹽事三

年十一月二十二日詔陝西漕司以西川四路物帛變

見錢二十萬緡克制置解鹽司鈔場本錢四年正月行

交子罷永興軍鈔場三月十四日復舊六月二十四日



命淮浙江湖諸路提刑趙濟等並兼提舉本路鹽事十  
年四月二十三日三司言兩池鹽歲入以二百三十萬  
緡為額自明年始八月制置解鹽使皮公弼請復范祥  
舊法平準市價二十五日詔三司借錢三十萬緡於京  
師置場買賣鹽鈔元豐元年六月二十九日命福建轉  
運使蹇周輔兼提舉本路鹽事二年二月十七日令解  
池歲以二百四十二萬緡為額

先是嘉祐中解鹽鈔定  
一百六十六萬三千四

百緡為歲額元祐元年十月六  
日戶部請以二百萬緡為額

建炎元年五月十八日

詔發運使梁揚祖兼提領茶鹽事工部員外郎楊淵同  
提領乾道六年三月一日詔定三權務都茶場茶鹽歲

額行在

八百萬緡

建康

一千二百萬緡

鎮江

四百萬緡

天聖茶法 景祐茶法

乾德五年始禁私鬻茶興國二年刪定禁法淳化三年

七月行貼射法四年初行交引罷貼射

是歲罷榷務尋復

至道

元年鹽鐵使陳恕為三說法

自西北始入芻粟度遠近增其虛估給券以茶償之

又益以東南緡錢香藥象齒謂之三說

咸平五年三司使王嗣宗始立三

分法

六年改四分

景德二年許人入中錢帛金銀謂之三說

祥符九年茶引益輕乾興元年改三分法

茶引三分東南見錢二分

半香藥四分半云

天聖元年正月丁亥詔曰三路軍儲出山澤

之利比移用不足命三司使李諮侍御史王臻中丞劉

子儀較茶鹽筭課歲入登耗更定其法三司置計置司

二月庚申命樞副張士遜參政呂夷簡魯宗道摠之

紀云

議茶鹽法

三月辛卯諮等考茶法利害請罷三說行江淮十

三山場貼射之法論者言其未便三年八月二十二日

命孫奭夏竦再詳定九月四日命三司使范雍同定十

一月庚辰從奭等議復行三說法

香茶  
緡錢

詔三司罷貼射

景祐元年九月二十一日樞副李諮請依天聖初改定

三年正月九日命諮及參政蔡齊三司使程琳中丞杜

衍知制誥丁度更議茶法三月十四日復令商賈以見

錢算請五年正月二十九日丙寅命王博文張觀等與

三司以新舊茶法定酌中之制六月三司副使司馬池

侍御史程戡司諫韓琦各上茶法利害七月丁酉損京

師入錢河北入中之直康定元年十二月詔三司以見

行茶法裁定慶曆八年十二月增以南鹽為四說

河北並邊

入中芻粟改行四說法內地以康定詔書從事自是三說四說之法並行於河北

皇祐二年正

月行入中對貼法

用見

仁宗朝茶利歲得九十餘萬緡

或云嘉祐初行通商法歲入不過八十餘萬

### 嘉祐弛茶禁

嘉祐三年九月始命韓絳陳升之呂景初即三司置局

議弛茶禁

先是著佐何高請通商收淨利以疏利源寬民力故命絳等議

其十月三司

言宜約至和之後一歲之數以息錢均賦茶民恣其買  
賣所在收算詔遣王靖等分行六路詢察利害及還皆  
言如三司議便已已詔曰古者山澤之利與民共之自  
唐建中始有茶禁上下規利垂二百年如聞比來為患  
益甚民被誅求之困官受濫惡之入私藏盜販犯者實  
繁嚴刑重誅情所不忍是於江湖之間幅員數千里為  
陷窅以害吾民也朕心惻然念此久矣間遣使往就問  
之驩然皆願弛其禁歲入之課以時上官一二近臣條

析其狀朕猶若慊然又於歲輸裁減其課使得饒阜以相為生剗去禁條俾通商利歷世之弊一旦以除著為常經弗復更制損上益下以休吾民尚慮喜於立異或人緣而為姦之黨安陳議奏以惑有司必寘明刑無或

有貸

一本云四年二月已巳詔開江淮茶禁聽民自賣通商收稅罷十三山場六榷務歲輸不過三十三

萬有奇謂之茶租錢以歲課均賦於茶戶初慶曆三年六月甲辰詔曰議者多言茶鹽銀銅之有遺利朕懼開培克之政抑而弗宣按長編初所遣官議弛禁比三司歲課均賦茶戶凡為緡六十八萬有奇比輸茶時其出幾倍朝廷損其半歲輸緡錢三十三萬八千有奇謂之租錢儲以待邊糴唯臘茶禁如舊餘肆行天下矣

崇寧以後歲入至二百萬緡視嘉祐五倍矣政和元年

正月始初引法置都茶場歲收四百餘萬緡中興循其

法紹興末東南十路六十州二百四十二縣歲產茶一

千五百九十餘萬斤收鈔錢二百七十餘萬

紹興二十五年九月

十七日辛亥宰臣秦三都茶場收鈔錢二百七十餘萬淳熙初收四百二十萬

政和

以來不置場不定價茶商買引就園戶交易依引內之數赴合同場秤發至今不易公私便之

### 元豐鹽額

解鹽為池二

解安邑

元豐三年以二百四十二萬貫以為



額江東路一百二萬五千九百貫江西路百二十二萬  
三千二百貫淮南一百十六萬六千四十貫湖南七十  
八萬九百貫湖北七十七萬四千二百貫兩浙八十七  
萬一千八百貫福建二十萬二千五百貫河東永利東

西監十一萬四千四百十八貫

咸平四年二月己巳改  
河東權鹽院為永利監

成都路為井四十二收二百四十八萬九千三百六十  
二斤利州路為井一百二十七梓州路為井四百二十  
五夔州路為監三為井十四 鹽稅京東十八萬八千

六百貫京西七萬五千二百六十一貫河北兩路三十

六萬七千貫 元豐四年三月蹇周輔上江西廣東鹽

法總目十二月九日三司使李承之奏東南鹽法詔與

編修官董唐臣自二年八月終敕札奏請已行者修成

一百八十一條分為勅令格共四卷

以江淮湖浙路鹽  
敕令賞格為名鑄

板頒行 五年二月八日上編修鹽法六年六月十五日詔

以京東鹽法推之河北七年七月盡權河東鹽九月十

二日修湖南廣東西鹽法條約總目上之

紹興茶鹽法

紹興二十一年七月二十八日

一云八月四日

宰臣上鹽法敕

令格式并目錄續降指揮共一百五十五卷茶法敕令

格式并目錄續降指揮共一百四卷詔以紹興編類茶

鹽法為名

以元豐法并續降旨八千七百三十條并見行法看詳編類茶鹽二書共二百六十卷

冊先是八年七月七日陳康伯請編成一書

大觀四年閏八月十二日修

東南鹽法百三十條

沈立撰茶法易覽述茶之利害

著為令又著鹽筭總類又論東南鹽利害條亭戶倉

場漕運之弊謂愛恤亭戶使不至困休息漕卒使有以  
為生防制倉場使不為掎克率斂絕私販減官估能行  
此五者歲可增緡錢一二百萬集鹽筴二十卷以奏  
言

戶之困  
尤甚

### 紹興鹽額

紹興三十二年鹽額浙西路秀州有鹽場十平江四臨  
安十浙東路紹興府有場四明州有場六台州三温州  
五淮東路通州六泰州十一楚州三廣東路廣州九潮

州三惠州三南恩州二廣西路廉州一高州二欽雷各  
二化州二福建路福州有倉二興化有倉一紹興末年  
東南歲產鹽二萬七千八百十六萬斤歲收錢二千一  
百萬餘緡 紹興中胡安國上恤民論曰祖宗時鹽法  
行於西者與商賈共其利行於北者與編戶共其利行  
於東南者與漕司共其利所謂以義為利也

淳熙解鹽圖

淳熙六年七月二十八日右司員外郎周舜元上解鹽

圖一冊付史館書目高聿鹽池錄一卷宣和六年攷  
解池事迹寫山川溝渠器用等為圖各立說繫下方

國史志鹽之類有二引池而化者周官所謂鹽也或  
煮海煮井煮鹺而成者周官所謂散鹽也引池為鹽曰  
解州解安邑兩池墾地為畦引池沃之水耗鹽成籍民  
給役謂之畦戶總三百八十戶復其家戶歲出夫二謂

之畦夫歲二月墾畦

四月引水  
八月而止

歲為鹽百五十二萬六

千四百二十九石

石五  
十斤

青白鹽出烏白兩池西羌擅以

為利淳化中陝西轉運鄭文寶議禁毋入塞煮海為鹽  
曰京東河北淮南兩浙福建廣南凡六路地曰亭場民  
曰亭戶竈戶戶有鹽丁煮井為鹽曰成都梓利夔四路  
大為監小為井監則置官井則募民煮鹹為鹽曰河東  
永利東西監

東隸并西  
隸汾州

籍民為鑛戶河北陝西亦有煮

鹹者然其利薄東南鹽利視天下為最厚

水經注

鹽井一百所巴川資以自給粒大者方寸中央隆起  
形如張傘因名傘子鹽有不成者形亦必方王隱

晉書地道記曰入湯口四十三里有石煮以為鹽水竭  
鹽成郭義恭廣志曰甘水有石鹽武都有平田百頃煮

### 土成鹽

政和中有司言解鹽便於煮海為罷東北鹽而利入頓  
虧八年閏月丙寅復行末鹽遂改袋製且許所過損其  
稅必更買新鈔方帶給舊鈔號對帶法宣和二年始歲  
給陝西錢四百萬緡以代解鹽課上自督課茶鹽日令  
具奏三年河北亦行鈔法 紹興二年六月癸丑李健



卷一百八十一  
提舉江西茶鹽初復提舉官

聖人斂山澤之貨以寬田疇之賦收關市之稅以助什

一之儲

魏邢  
密云

壽昌習分銖之事弘羊析秋毫之數小

人為能君子不忍為也

唐李德  
裕云

弘僅建鈇趾之刑桑

羊畫安邊之策衛覬張林踵陳其計此煮海之利也張

滂倡於貞元王涯議於太和趙贊鄭注並沿其術此摘

山之稅也

自齊人賦鹽漢武權酒唐德宗稅茶民之

日用飲食而皆無遺算

言琴課則劉熙古深茶禁則

樊若水峻酒榷則程能變鹽令則楊允恭山海之入征  
榷之算古禁之尚疏者皆密焉

夏禹青州之貢穆王安邑之觀漢煮海以稱饒唐置官  
而兼領

周詩記苦茶茗飲出近世 春秋書齊茶漢志書茶陵

陸顏諸人雖已轉入茶音而未易字文也自陸羽茶經

志三 卷 盧仝茶歌趙贊茶禁以後遂易茶為茶

爾雅注早來者為茶晚取者為茗一名薜釋文曰埤蒼

作椽 塌地剩茶之名三說貼射之法招商收稅之令

紛紛見于史冊 杜育有荈賦 溫庭均有採茶錄志

卷

毋景著茶飲序 唐李珣曰價高則市者稀價賤

則市者廣未見阜財徒云斂怨 中世徙場而權茗諸

藩塌地以名錢

玉海卷一百八十一